



和18  
1687  
9





18  
1687  
9

田舎



詩宗未集卷十五

律詩 五言三百六十四首

村家

王操

野景邨家好柴籬夾樹身牧童眠向日山犬吠隨人  
地僻鄉音別年豐酒味醇風光吟有興桑麥暖逢春

遊邊上

佩劍遊邊地胡風捲敗莎鷓鴣飢窺壞塚馬渴嗅冰河  
塞闊人煙絕春淡霰雪多蕃戎如畫看散騎立高坡

并州道中

從軍無住計近臘塞門行風劈面疑裂凍黏髭有聲

詩宗

未集

宋





言  
卷  
太陽過午暗暮雪照人明馬上聞吹角依然認漢城

秋夜集李式西齋

趙湘

澤國秋光澹詩家夜會清雨餘逢月色風靜得琴聲  
小逕幽蟲絕寒階落葉并嘗余不擬睡自起遶池行

成武縣作

王禹偁

釋褐來成武初官且自強位卑松在澗俸薄葉經霜  
雨菌生書案飢禽啄印狀猶驚寫秋卷枕砌落花黃

秋居幽興

秋光雖寂澹幽興入詩家籬暗蟹啼菊園荒蟻上茄  
圍碁知日影理髮見霜華向曉兒童喜溪僧遺晚瓜

謫居人事情幽興與誰同僧到烹秋菌兒啼索草蟲  
掃苔畱嫩綠寫葉惜殘紅歲晏琴罇好籬邊有竹藜

春日望樓懷歸

寇準

高樓聊引望杳杳一川平野水無人渡孤舟盡日橫  
荒村生斷靄古寺語流鶯舊業遙清渭沉思忽自驚

暮秋感興

莽莽前期遠窮途亦可傷有時聞落葉不語立殘陽  
塞草秋先白溪沙晚更光那堪望天末燕鴈又成行

題山寺

寺在猿啼外門開古澗涯山溪微有逕樹老半無枝



望遠雲長暝談空日易移恐期金馬去還失白蓮期

建茶呈使君學士

李虛己

石乳標奇品瓊英碾細文試將梁苑雪煎動建谿雲  
清味通宵在餘香隔坐聞遙思摘山日龍焙未春分

春日述懷

魏野

春暖出菲亭携筇傍水行易語馴鹿性難辨鬪雞情  
妻喜栽花活兒誇鬪草羸翻嫌我慵拙不解強謀生

暮秋閑望

水閣閒登望郊原欲刈禾壞簷巢燕少積雨病蟬多  
砧隔寒溪搗鐘隨野吹過扁舟何日去江上負烟蓑

書友人屋壁

達人輕祿位居處倚林泉洗硯魚吞墨烹茶鶴避烟  
閒唯歌聖代老不恨流年靜想閒來者還應我最偏

秋日題琅琊山寺

潘閔

巖下多幽景且無塵事喧鐘聲晴徹郭山鳥曉當門  
溪洞藏泉脈懸崖露樹根夏期來此宿絕頂聽寒猿

葉落

片片落復落園林漸向空幾番經夜雨一半是秋風  
靜擁莎階下閒堆蘚徑中巖松與巖檜寧共此時同

渭上秋夕閒望

詩宗

八  
未集

三



秋夕滿秦川登臨渭水邊殘陽初過雨何樹不鳴蟬  
極浦涵秋月孤帆沒遠煙漁人空老盡誰似太公賢

夏日宿西禪

此地絕炎蒸深疑到不能夜涼如有雨院靜若無僧  
枕潤連雲石窻明照佛燈浮生多賤骨時日恐難勝

秋日廬龍村舍

徐鉉

置却人間事閑從野老遊樹聲邨店晚草色古城秋  
獨鳥飛天外閒雲度隴頭姓名君莫問山木與虛舟

寓目

韓琦

擁傳修途倦逢春旅思長遠煙含樹色細雨起塵香

隴麥成行綠林鶯並對黃揚鞭聊自慰舉目見韶光

中秋月

月滿中秋夜人人惜最明悲歡徒自感圓缺本無情  
天外有相憶世間多不平嫦娥難借問寂寞趁西傾

後園閑步

池圃足高趣公餘事少關幽禽聲自樂流水意長閒  
近竹花終俗過欄草費刪心休誰似我官府有青山

登崑崙臺

蘇舜欽

落照古城隅邊風動隼旗久閒忘戰略多病熟醫書  
白髮隨年短新情與世疎桃花春水起還釣舊溪魚



詩集  
卷之六  
靜勝堂夏日呈王尉

虛堂吏事稀吟臥欲忘機  
窓靜蜂迷出簾輕燕誤飛  
煩心傾晚簟倦體愜風衣  
夏想霜雲外同君看翠微

春日晚晴

人言春雨好夏好晚來晴  
樹色通簾翠煙姿著物明  
得泥初燕喜避弋去鴻輕  
誰見危欄外斜陽盡眼平

暑景

溽暑倦幽齋縱橫書亂堆  
風多應秀麥雨密不黃梅  
乳燕竝頭語紅葵相背開  
吟餘晴月上涼思入罇罍

登麟州城樓

張詠

莫問戎庭苦高欄是夕攀  
時清官事少邊靜戍人閒  
雉堞臨寒水穹廬倚亂山  
皇恩正無外不擬夏移還

每憶家園樂蜀中寄傅逸人

每憶家園樂名賢共里閭  
劇談祛夜瘡幽夢驗鄉書  
漸老性情嬾隔年音信疎  
終嫌累高節不得薦相如  
郡齋書情寄仙游張及

老去慵仍甚榮名舊日疎  
又因經歲病不答故人書  
閉閣僧歸後看山吏散初  
何因論心跡之子最相于

題九仙寺

趙抃

墜果春三徑蒸雲晚一軒  
廊腰迴戰蟻山腹合啼猿



泉澹禽窺影苔深屐印痕自慚名利者聊免世紛喧  
和戴天使重陽前一夕宿長沙驛

楚館夜衾涼離人念故鄉遠吟只覺苦歸夢不成長  
壁有寒蒼怨鄰聞綠蟻香登高在何處明日宴山陽  
和范御史初出都門

牘奏辭三院鄉榮領百城帝恩山嶽重臣命羽毛輕  
風月隨人好江湖照膽清須公贈金玉光照重行行

新霽望岐笠山

梅堯臣

北望直百里峨峨千仞青斷虹迎日盡飛雨帶龍腥  
陰壑烟雲畜陽崖草木靈登臨終不厭時許到茲亭

魯山山行

適與野情愜千山高復低好峯隨處改幽徑獨行迷  
霜落熊升樹林空鹿飲溪人家在何許雲外一聲雞  
送番禺杜村主簿

行識枕榔樹初窺翡翠巢地蒸蠻雨接山闊海雲交  
訟少通華語蟲多入饅庖不須思朔雪梅吐臘前梢  
春寒

春晝自陰陰雲容薄更淡蝶寒方斂翅花冷不開心  
亞樹青帘動依山片雨臨未嘗辜景物多病不能尋  
閒居



讀易忘飢倦東窓盡日開庭花昏自斂野蝶晝還來  
謾數過籬筍遙窺隔葉梅惟愁車馬入門外起塵埃

餘姚陳寺丞

試邑來勾越風烟復上游江潮自迎客山月亦隨舟  
海貨通閩市魚歌入縣樓絃琴無外事坐見蒲帆收  
夏日晚霽與崔子登周襄王故城

兩脚收不盡斜陽半古城獨攜幽客步閑閱老農耕  
寶氣無人發陰蟲入夜鳴余非避喧者坐愛遠風清

金山寺

吳客獨來後楚橈歸夕曛山形無地接寺界與波分

巢鷓寧窺物馴鷗自作羣老僧忘歲月石上看江雲

雪後資政侍郎西湖宴集偶書

潭心不凍處鴈鷺自相依積雪正無際因風忽起飛  
初驚如避弋復下信忘機偶得從公飲聊書此景歸  
送洪祕丞知大寧監

三峽蠻溪上千山楚俗兼婦人樵入市官井貨專鹽  
魑魅或爲患獼猴常可嫌君能厚風化男子使腰鎌

宣州

所漆高崖畔千筒不一盈野糧收椽子山屋照松明  
只見梅堪種曾無田可耕兒孫何所樂向此是平生



送任適尉烏程

俛作程鄉尉折腰還自甘  
下峯晴照黛雲水曉澄藍  
葑上春田闢蘆中走吏參  
到時蘋葉長柳惲在江南  
與夏侯繹張唐民游蜀岡大明寺

秋葉已多蠹古碑看更荒  
廢城無馬入破冢有狐藏  
寒日稍清迴羣山分莽蒼  
田夫指白水此下是雷塘

曉

烏蟾不出海天地無明時  
萬國睡未覺一聲雞已知  
樹頭星漸沒枝上露應垂  
人世紛紛事勞勞只自爲  
送錢駕部知邛州

細雨梅初熟輕寒麥已秋  
路危趨劔道夢穩過刀州  
秦粟非吳食巴粳類越疇  
當壚無復舊試似長卿求  
寒食前一日陪希深遠遊大字院

一百五將近千門煙火微  
閑過少傅宅喜見老萊衣  
晚雨竹間霽春禽花上飛  
禪庭清溜滿幽興自忘歸  
送鮮于祕丞通判黔州

壺頭山下俗巴婦曲中聽  
汲井熬鹽白燒田種穀青  
巖風來虎嘯江雨過龍腥  
事簡能談者揚雄所草經  
田家

草木遶籬盛田園向郭斜  
去鋤南山豆歸灌東園瓜



白水照茅屋清風生稻花前陂日已晚聒聒競鳴蛙  
依韻和武平九月十五日夜北樓望太湖

東吳臨海若看月上青冥河漢微分練星辰澹布螢  
細煙沉遠水重露裊空庭孤坐饒清興惟將影對形

送徐君章祕丞知梁山軍

蒼壁東江流孤軍水上頭蛟龍驚鼓角雲霧裊衣裘  
午市巴姑集危灘楚客愁使君才筆健當似白忠州

依韻和子聰夜雨

窓燈光夏迴宿霧晦層簷寒氣微生席輕風欲度簾  
濕螢依草沒暗溜想池添况值相如渴無嫌魯酒甜

新秋雨夜西齋文會

夜色際陰霾燈青謝客齋梧桐生靜思絡緯動秋懷  
小酌寧辭醉清言不厭諧誰憐何水部吟苦怨空階

秋日家居

移榻愛晴暉憊然世慮微懸蟲低復上鬪雀墮還飛  
相趁入寒竹自收當晚闌無人知靜景苔色照人衣

送劉邠秘校赴婺源

雲水蔥籠處雞鳴古縣城山高地多險源近水偏清  
所漆資商貨栽茶雜賦征案頭龍尾硯切莫苦求精

暮春

余靖



草帶全鋪翠花房半墜紅農家榆莢雨江國鯉魚風  
堤柳綿爭撲山櫻火共烘長安少年客不信有衰翁

題劉太博樓心序

宏構小侯第避權長掩關地分金穴貴人共白雲閒  
野色春牆外池香暮雨間燕申忘萬慮吏隱敵箕山

留題澄虛亭

湖光湛寒碧簾影拂莓苔魚戲應同樂鷗閒亦自來  
雨餘輕靄合竹外雜花開久欲留詩去慚無綺靡才

子規

一叫一春殘聲聲萬古冤疎煙明月樹微雨落花邨

易墮將乾淚能傷欲斷魂名韉慚自束烏爾憶家園

山館

野館蕭條晚憑軒對竹扉樹藏秋色老禽帶夕陽歸  
遠岫穿雲翠畚田得雨肥淵明誰送酒殘菊繞墻飛

勞停驛

歐陽脩

孤舟轉山曲豁爾見平川樹杪帆初落峯頭月正圓  
荒煙幾家聚瘦野一刀田行客愁明發驚灘鳥道前

離彭婆值雨投臨汝驛回寄張九屯田司錄

投館野花邊羸驂晚不前山橋斷行路溪雨漲春田  
樹冷無棲鳥村淡起暮烟洛陽山已盡休更望伊川



秋懷

節物豈不好秋懷何黯然西風酒旗市細雨菊花天  
感事悲雙鬢包羞食萬錢鹿車終自駕歸去穎東田

湖山小隱

林逋

園井夾蕭森紅芳墮翠陰書巖松鼠靜春塹竹雞淡  
歲課非無木家藏獨有琴顏原遺事在千古壯閒心  
衡門隣晚塢環堵背寒岡片月通蘿逕幽雲在石牀  
客遊拋鄆杜漁事擬滄浪管樂非吾尚昂頭肯自方

小隱自題

竹樹遶吾廬清溪趣有餘鶴閒臨水久蜂懶得花疎

酒病妨開卷春陰入荷鋤嘗憐古圖書多半寫樵漁

小圃春日

岸幘倚微風柴籬春色中草長團粉蝶林暖墜青蟲  
載酒為誰子移花獨乃翁於陵偕隱事清尚未相同

湖樓寫望

湖水混空碧憑欄凝睇勞夕寒山翠重秋靜鳥行高  
遠意極千里浮生輕一毫叢林數未徧杳靄隔漁舸

山邨冬暮

衡菲林麓下春氣已微茫雪竹低寒翠風梅落晚香  
樵期多獨往茶事不全忙雙鷺有時起橫飛過野塘



送忠齋上人之宣城

林嶺藹春暉程程入翠微  
泉聲落坐石花氣上行衣  
詩正情懷澹禪高語論稀  
蕭閑水西寺駐錫莫忘歸

宿洞霄宮

秋山不可畫秋思亦無垠  
碧澗流紅葉青林點白雲  
涼陰一鳥下落日亂蟬分  
此夜芭蕉雨何人枕上聞

山中冬日

殘雪照籬落空山無俗誼  
雞寒懶下樹人晏獨開門  
廢圃春榮動回塘霧氣昏  
誰家歲酒熟輟棹憶西村

留題李頡林亭

無琴枕鶴經盡日臥林亭  
啼鳥自相語幽人誰欲聽  
半闌花藉白一徑草盤青  
何必對罇酒此中堪獨醒

淮甸城居寄任刺史

擾擾非吾事深居斷俗情  
石莎無雨瘦秋竹共蟬清  
劒在慵閑拂詩難憶細評  
寥然獨楮枕淮月上山城

贈披雲峯岳長老

曹汝弼

禪外掩松扃間眠度歲陰  
雨侵香篆澁苔長屐痕深  
水在銅瓶冷雲歸玉磬沉  
前山有靈藥時策杖藜尋

江樓晴望

魯交

江干一雨收霽色染新愁  
遠水碧千里夕陽紅半樓



笛寒漁浦晚山翠海門秋  
夏待牛津月袁宏欲泛舟

瀑布

范仲淹

迴與衆流異發源高夏孤  
下山猶直在到海得清無  
勢翻蛟龍惡聲吹雨雹  
麤晚來雲一色詩句自成圖

堯廟

千古如天日巍巍與善功  
禹終平洛水舜亦致薰風  
江海生靈外乾坤揖讓中  
鄉人不知此簫鼓謝年豐  
野色

非烟亦非霧冪冪映樓臺  
白鳥忽點破夕陽還照開  
肯隨芳草歇疑逐遠帆來  
誰會山公意登高醉始迴

八月十四夜月

光華豈不盛賞宴尚遲遲  
天意將圓夜人心待滿時  
已知千里共猶訝一分虧  
來夕如澄霽清風不負期

訪田公不遇

石介

主人何處去門外草萋萋  
獨犬睡不吠幽禽閒自啼  
老猿偷果實稚子弄鋤犁  
日暮園林悄春風吹藥畦

至城東作

孔平仲

出郭二十里依山八九家  
茅岡風卷燒土井雨推沙  
凍蝶依殘菊幽禽立臥槎  
路邊桃李木猶發小春花

題清斯堂



詩集  
不刊集  
河流與淮接于此一堂成水色已可愛主人心更清  
魚潛晚日靜柳落秋空明本自無塵土何須歌濯纓

夏晝

落花寧是穢啼鳥不爲喧野水從侵道青山任塞門  
吏身閒似隱官舍靜於邨開卷何嘗讀風來只自翻

清夜

夜久景逾清行吟到小亭梨花帶明月銀漢澹疎星  
渡水漁歌遠巡山鬼火青此時塵慮息豁若醉初醒

春夕

宋庠

暝色蔽孤齋空軒向夕開花低應露下月暗覺雲來

燭牖輕蛾聚風枝倦鳥猜無言聊隱几萬境一靈臺

春晏宴北園

宋祁

天意欲餘芳人間日始長落花風觀閣睡鴨雨池塘  
稍倦持螯手猶殘藍尾觴春歸無所預羈客自回腸

僑居

公宇靜寥寥居然俗意銷展閒誰記齒帶適自忘腰  
畝首秋殘穫城西日暮樵比來行樂熟隨意度溪橋

贈清逸魏閑處士

奕世依岩石褒恩下帝庭姓名高士傳父子少微星  
池浦遙通澗家林近帶坳分明詔書意天極賜鴻冥



西樓夕望

炎氣隨日入岑寂坐遙帷倦鶯昏投浦驚蟬夜去枝  
桂華兼月破槎影帶星移珍重窻風好義人即此時

陪謝紫微晚泛

積雨漲秋壕輕舟共此遨菰蒲斂鏗鏘蓮芡熟囊韜  
岸靜魚跳月林喧鳥避篙歸時興不淺風物正蕭騷

長安道中悵然作

三輔古風煙征驂悵未前山園蓬顆外宮室黍離邊  
樹老經唐日碑殘刻漢年便須真隕涕不待雍門絃  
城闕今安在關河昔所憑種祠秦故時杯土漢諸陵

苑樹圓排薺樓雲澹引縉南山不改色千古恨相仍

和象之北軒書事

韓維

舍北多嘉樹垂陰及四鄰清風常滿竹好鳥不驚人  
圖史無他物謳吟佚此身應容里中客一醉倒冠巾

自靜教院晚步溪上

雪盡岡頭路風和臘後天人安閒澹內鳥下寂寥前  
凍水晴初浪荒城晚自煙西橋車馬急歸意尚畱連

甘露寺

晁端友

元注有石如臥羊謂之狼石

北固山頭寺風煙昔縱觀臥亭秋石狼環舍海濤寒



越舫樓前聚江楓戶外丹最空清夜月虛閣憶盤桓

早行

馬上雞初唱天涯星未稀驚風時墜笠零露暗沾衣  
山下疎鍾發林梢獨鳥飛遠峯煙靄澹迤邐見朝暉

郡齋宴坐

張公庠

為州容散誕真慰野人情撼膝禪初悟搖頭句未成  
試香秋院靜鬪墨午窓明已有東歸計柴扉掩姓名

公安縣

陶邠

門沿大堤入路趁淺沙行樹短天根起山窮地勢傾  
孤舟難泊岸遠水欲沉城半夜求津濟烟中荻火明

歲晚

王安石

月映林塘淡風含笑語涼俯窺憐綠淨小立佇幽香  
攜幼尋新葍扶衰上野航延緣久未已歲晚惜流光

發館陶

促轡數殘更似聞雞一鳴春風馬上夢沙路月中行  
笳鼓遠多思衣裘寒始輕稍知田父穩燈火閉柴荆

半山春晚即事

春風取花去酬我以清陰翳翳陂塘靜交交園屋淡  
床敷每小息杖屨或幽尋惟有北山鳥經過遺好音

即事



徑暖草如積山晴花更繁縱橫一川水高下數家村  
靜憇雞鳴午荒尋犬吠昏歸來向人說疑是武陵源

次韻仲卿除日立春

猶殘一日臘併見兩年春物以終爲始人從故得新  
迎陽朝剪綵守歲夜傾銀恩賜隨嘉節無功只自塵

宿雨

綠攪寒蕪出紅爭暖樹歸魚吹塘水動鴈拂塞垣飛  
宿雨驚沙靜晴雲晝漏稀却愁春夢短燈火着征衣

將次洛上憇漳上

漠漠春風裏茸茸綠未齊平田鴨散啄深樹馬迎嘶

地入河流曲天隨日去低高城已在眼聊復解輕齋

自白土邨入北寺

雨過百泉出秋聲連衆山獨尋飛鳥外時度亂流間  
坐石偶成歇看雲相與還會須營一畝長此聽潺潺

同宋復古遊大林寺

周濂溪

三月山方暖林花互照明路盤層頂上人在半空行  
水色雲含白禽聲谷應清天風拂巾袂縹緲覺身輕

陳公廡園修禊事席上賦

程明道

盛集蘭亭舊風流洛社今坐中無俗客水曲有清音  
香篆來還去花枝泛復沈未須愁日暮天際是輕陰



冬至吟

邵康節

冬至子之半天心無改移一陽初動處萬物未生時  
玄酒味方淡大音聲正希此言如不信更請問庖犧

歸田

司馬光

松菊陶潛宅蓬蒿仲蔚家行遊筇杖瘦嘯傲幅巾斜  
屋小疎茅覆門淡亂柳遮邨童迎客至竹帚掃桃花

郭氏園送張仲通出刺棗州

名園送嘉客冠蓋去傾朝小雨塵微斂餘寒酒已消  
鴈歸春近塞月上海生潮北道平如掌東風五馬驕

荊州

蘇軾

南方舊戰國慘澹意猶存慷慨因劉表淒涼為屈原  
廢城猶帶井古姓聚成村亦解觀形勝升平不敢論  
朱檻城東角高王此望沙江山非一國烽火畏三巴  
戰骨淪秋草危樓倚斷霞百年豪傑盡擾擾見魚鰕

中隱堂詩

徑轉如脩蟒坡垂似伏鰲樹從何代有人與此堂高  
好古嗟生晚偷閑厭久勞王孫早歸隱塵土汗君袍

次韻子由綠筠堂

愛竹能延客求詩剩挂墻風梢千燾亂月影萬夫長  
谷鳥驚棊響山蜂識酒香只應陶靖節會聽北牕涼



詩集  
二月八日與黃燾僧曇穎過逍遙堂何道士宗  
一問疾

安心守玄牝閉眼覓黃庭問疾來三士澆愁有半餅  
風松時落蕊病鶴不梳翎罇空我歸去山月照君醒  
新年

荔子幾時孰花頭今已繁揆春先揀樹買夏欲論園  
居士常攜客參軍許叩門明年夏有味懷抱帶諸孫  
次韻朱光庭喜雨

久苦趙盾日欣逢傳說霖坐知千里足初覺兩河澗  
破屋常持傘無薪欲爨琴清詩似庭燎雖美未忘箴

望湖亭

八月渡長湖蕭條景物疎西風片帆急暮靄一山孤  
許國心猶在匡時術已虛岷峨家萬里投老得歸無  
和劉道原寄張忠民

仁義大捷徑詩書一旅亭相誇綬若若猶誦麥青青  
腐鼠何勞嚇高鴻本自冥顛狂不用喚酒盡漸須醒  
答任師中次韻

閑裏有深趣常憂兒輩知已成歸蜀計誰借買山資  
世事久已謝故人猶見忠平生不飲酒對子敢論詩  
籍田



竊脂方紀瑞布穀未催耕魚沫依蘋渚蝸涎上綵楹  
江湖來夢寐蓑笠負平生琴裏思歸曲因君一再行  
雨晴後步至四望亭下魚池上遂自乾明寺前

東岡上歸

高亭廢已久下有種魚塘暮色千山入春風百草香  
市橋人寂寂古寺竹蒼蒼鶴鶴來何處號鳴滿夕陽

金華山人

陳襄

幽居倚翠巒塵事不相干天地醉來小琴碁靜裏歡  
雨苔春逕綠風竹夜窓寒若問長生術金爐有寶丹

夏日閒居

俞退翁

無人到窳巷長日守閒居宿火惟烘藥喜晴還曬書  
鄰翁伴村酒稚子課園蔬門外蒿萊地從淡不用鋤

登快哉亭

陳師道

城與清江曲泉流亂石間夕陽初隱地暮靄已依山  
度鳥欲何向奔雲亦自閒登臨興不盡稚子故須還  
宿合清江

風葉初疑雨晴窓誤作明穿林出去鳥舉棹有來聲  
淡渚魚猶得寒沙鴈自驚臥家還就道身計豈蒼生

晚坐

柳弱留春色梅寒釀雪花溪明數積石月過戀平沙



詩宗 不卷集  
病減還增藥年侵却累家後歸棲未定不但只昏鴉

放懷

施食烏鳶喜持經鳥雀聽杖藜矜矍鑠顧影怪伶俜  
門靜行隨月窻虛臥見星擁衾眠未穩艱阻飽曾經

寄答李方叔

平生經世策寄食不資身孰使文章著能辭轍跡頻  
帝城分不入書札訶何人子未知吾懶吾寧覺子貧

野望

霜葉紅於染吹花落更馨平江行詰屈小徑夾蔥青  
度鳥開愁眼遙山入畫屏畏人唯可飲從俗却須醒

病中

軟熟羞盤饌芳辛實枕幃候晴先曬席占濕預烘衣  
易粟雞皮皺難培鶴骨肥頭顱雖若此虛白日生輝  
靜裏秋先到閒中晝自長閉門空泄柳尸祝謾庚桑  
腹已枵經笥身猶試藥方強名今日愈勃宰負東牆

南豐先生挽詞

精爽回長夜衣冠出廣庭勳庸畱琬琰形象付丹青  
道喪餘篇翰人亡更典刑侯芭才一足白首太玄經  
除夜對酒贈少章

歲晚身何託燈前客未空半生憂患裏一夢有無中



言  
髮短愁催白顏衰酒借紅我歌君起舞潦倒略相同

留題彭山縣

文同

公館靜寥寥園亭景物饒溪光明短釣樹影映危譙  
山鳥忽雙下池魚時一跳主人王事簡文酒且逍遙

閒樂

晝睡忽過午好風吹竹床溪雲生薄暮山雨送微涼  
粉衰衣裳潤蘭薰簟席香歸來閒且樂多謝墨君堂  
過友人谿居

籬巷接菰蒲閒扉掩自娛水蟲行插岸林鳥過提壺  
白浪搖秋艇青煙蓋晚廚主人誇野飯爲我煮新蘆

野徑

山圃饒秋色林亭近晚晴禽蟲依月令藥草帶人名  
排石鋪衣坐看雲緩帶行官閒惟此樂與世欲無營

清景堂

公外捐塵慮閑中見物情蕉花紅炬密竹節粉環輕  
燕泊簾鉤語蜂尋筆架鳴靜能知此趣吃吃笑勞生

山堂偶書

幾日無公事山堂興頗清和詩防積壓丸藥趁晴明  
斲石新稜出澆蔬晚甲生此皆忙外得低首笑塵纓

送舅氏野夫之宣州

黃庭堅



籍甚宣城郡風流數貢毛霜林收鴨脚春網薦琴高  
共理須良守今年輟省曹平生割雞手聊試發劔刀  
試說宣城郡停盃且細聽晚樓明宛水春騎簇昭亭  
把酒豐圩戶桁楊臥訟庭謝公歌舞地時對換鵝經

和師厚接花

妙手從心得接花如有神根株穰下土顏色洛陽春  
雍也本犁子仲由元鄙人升堂與入室只在一揮斤

和外舅夙興

元注寓大雲寺作

風烈僧魚響霜嚴郡角悲短童疲灑掃落葉故紛披

水凍食鮭少甕寒浮蟻遲朝陽烏鳥樂安穩托禪枝

暮春過柯市人家

張耒

桃李雖云過林塘老景濃幽花冠曉露高柳旆和風  
草木家家秀溝塍處處通况聞時雨足高枕待年豐  
永寧遺興

國破空陵墓時移改要衝人隨幽谷路縣隱亂山峯  
零落荒祠樹悠揚晚寺鐘猶傳仙舊隱跨鹿有遺蹤

夏日

細逕依原僻茅簷四五家山田來雉兔溪雨熟桑麻  
竹籠晨收果茅菴夜守瓜頗知農事樂從子問生涯



言  
不  
集  
蚓壤排晴圃蝸涎印雨堦花鬚嬌帶粉樹角老封苔  
問字病多忘過鄰慵却回晚涼還盥櫛對竹引清盃

和西齋

山色供開鏡溪光照掩扉暗蟲先夜響菱葉近秋飛  
灌壠晴蔬出開籠暮鶴歸鳴琴坐朗月輕露點秋衣

柘城道中

欲雪日易晚不風寒更清崩橋斷官道積水入空城  
屏翳野初燒降丘民始耕冬暉疾於鳥汲汲暝途征

臘日晚步

喜覺陽和近山園策杖行草應知地暖柳欲向人輕

殘雪通春信鳴禽報曉晴田間未成計搔首問春耕

雨中

手種階前樹今朝亦有花春陰寒食節陋巷逐臣家  
欲酌消愁酒先澆破睡茶遊人歸踏雨里巷晚喧譁

二十三日立秋夜行

浙浙曉風起孤舟愁思生蓬窓一螢過葦岸數菴鳴  
老大畏為客風波難計程家人夜淡語應念客猶征

冬至後

水國過冬至風光春已生梅如相見喜鴈有欲歸聲  
老去書全懶閑中酒愈傾窮通付吾道不復問君平



白羊道中

日出客心喜路平人足輕風高不成冷雨過有餘清  
水落溪魚出村深田鶴鳴勝遊須秀句多愧謝宣城

臘日

日暖村村路人家迭迭迎婚姻須歲暮酒醴幸年登  
簫鼓兒童集衣裳婦女矜敢辭雞黍費農事及春興  
從黃仲閔求友于泉

炎暑戰已定清秋當抗衡碧雲生鴈忠幽草見蛩情  
曬麥村墟靜觀書枕簟清誰能酌玄酒來破屈原醒

日落

日落長雲暗風悲古岸秋渚鷗遙避客野蝶戲隨舟  
疎拙資微祿飄零厭遠遊若無尊裏酒何物與消愁

初秋對雨

閉戶理殘編疎慵得自便朝涼清病患秋雨對高眠  
屋冷淡藏燕槐疎濕抱蟬所忻堂下菊芳意已鮮鮮  
舟中曉思

樹色未啼鳥槳聲初度航客燈青映壁城角冷吹霜  
飄泊年來甚羈游情易傷年豐清潁尾吾計亦差良  
秦淮夜泊

賀鑄

宮柳動春條秦淮生暮潮樓臺見新月燈火上雙橋



言宗 不補集  
隔岸開朱箔臨風弄紫簫誰怜遠遊子心旆正搖搖

宿范氏水閣

洪朋

枕水鑿疏櫺雲扉夜不扃灘聲連地籟林影亂天星  
人靜魚頻躍秋高露欲零何妨呼我友乘月與揚舲

獨坐

任伯雨

得喪榮枯事悠悠過耳風此身猶是幻何物不爲空  
酒聖心常醉詩窮語更工小軒搔首坐斜日滿窻紅

邯鄲道中夜行阻風

鄧謹忠

欲瀉懸河雨先號拔木風問津危吠處覓路電光中  
徒御憂羣盜兒童笑拙翁當知步兵哭初不哭途窮

送空黃宰任滿赴調

韓駒

聽說空黃宰他邦總不如里門喧誦讀村落罷追胥  
縱未分侯印猶當擁使車此詩無麗句聊代薦賢書

同魯直和普安院壁上蘇公詩

晁補之

畏暑聊尋寺追涼故遶池雨園鳩喚婦風徑燕將兒  
散篆縈簾額雷雲暗井眉龍蛇動屋壁知有長公詩

宿參寥房

秦觀

鄉國秋行暮房櫳日已暝驚風多犯竹破月不藏星  
鈞箔蒼花動抄書燭燼零非關相見喜自是眼長青

都梁

陳造



言  
犬吠蔥青裏人家竹徑溪短籬循石礪老屋枕煙岑  
牛瘠知春事鳩啼認晏陰豐年易爲客盃酒慰幽尋

海陵雜興

呂本中

萬事不如意自然生白鬚極知少餘韻何敢厭窮途  
土俗尊魚婢生涯欠木奴東行見李白誰爲致區區

兵亂後雜詩

蝸舍嗟蕪沒孤城亂定初籬根畱弊屨屋角得殘書  
雲路慚高鳥淵潛想巨魚客來關佳致親爲摘山蔬

種竹

曾幾

近郊蕃竹樹手種滿庭隅餘子不足數此君何可無

風來當一笑雪壓要相扶莫作封侯想生來鄙木奴

憫雨

梅子黃初遍秧鍼綠未抽若無三日雨那復一年秋  
薄晚看天意今宵破客愁不眠聽竹樹還有好音不

謝人送麀源絕品云九重所賜也

三伏汗如雨終朝霑我裳誰分金掌露來作玉溪涼  
別甌軟炊飯小爐淡炷香麴生何等物不與汝同鄉

晚雨

蕭瑟度橫塘霏微映繚牆壓低塵不動酒急土生香  
聲入楸梧碎清分枕簟涼回頭忽陳迹檐角挂斜陽



寒意

鄭剛中

嶺南霜不結風勁是霜時日落晚花瘦山空流水悲  
栖鴉尋樹早凍蟻下窻遲季子家何在衣單知不知

社日

謝逸

雨柳垂垂葉風溪細細紋清歡惟煮茗美味只羹芹  
飲不遭田父歸無遺細君東臯農事作舉趾待耕耘

連雨書事

陳與義

風伯方安臥雲師亦少饕氣連河漢潤聲到竹松高  
老鴈猶貪去寒蟬遂不號相悲夏相失滿眼楚人騷

道中寒食

斗粟淹吾駕浮雲笑此生有詩酬歲月無夢到功名  
客裏逢歸鴈愁邊有亂鶯楊花不解事夏作倚風輕

試院書懷

細讀平安字愁邊失歲華疎疎一簾雨淡淡滿枝花  
投老詩成癖經春夢到家茫然十年事倚杖數栖鴉

岸幘

岸幘立清曉山頭生薄陰亂雲交翠壁細雨濕青林  
時改客心動鳥啼春意淡窮鄉百不理時得一閒吟

渡江

江南非不好楚客自生哀搖櫂天平渡迎人樹欲來



詩宗 不補集  
雨餘吳岫立日照海門開雖異中原險方隅亦壯哉

放慵

暖日薰楊柳濃春醉海棠放慵真有味應俗苦相妨  
官拙從人笑交疎得自藏雲移穩扶杖燕坐獨焚香

驟雨

唐庚

黑雲驚小市白雨沸秋江聲入家家樹涼傳處處窻  
亂流鳴淅淅疊鼓鬧龐龐蘋末清風起斜陽觀海邦

雜詩

兀坐且如此出門安所之手香柑熟後髮脫草枯時  
精力看書覺情懷舉盞知炎州無過鴈二子在天涯

醉眠

山靜似太古日長如少年餘花猶可醉好鳥不妨眠  
世味門常掩時光筆已便夢中頗得句拈筆又忘筌

九日懷舍弟

重陽陶令節單闕賈生年秋色蒼梧外衰顏紫菊前  
登高知地盡引滿覺天旋去歲京城雨茱萸對惠連

江漲

秋來雨似澆雨罷水如潮市改依高岸津喧救斷橋  
雲陰哭鳩婦池溢走魚苗天意良難測前時旱欲焦  
長沙道中



古今今路朝朝莫莫行  
橘林香處飯杉木翠邊程  
山帶湘靈慘川含楚些  
清江湖無限句遷客要才情  
夜坐感懷

聲斷鐘樓月文書對坐時  
破窓燈焰走凍研筆鋒遲  
名利髮將鶴風霜手欲龜  
何當一蓑雨披曉剪蓴絲

再過天長寺

孫覲

山立起平案松偃臥枕岡尚憐桃靨小  
已見麥頭昂  
檢事關兵氣逃禪入醉鄉平生湖海興  
一棹付慈航  
題谷隱

碧瘦峨千疊清溪漲一篙紅輕花似肉  
綠細柳如縲

句好無強對神超有獨遊  
葦間青筍笠髮鬢見奏逃  
次韻劉希顏感懷

張元幹

避訪疎毛穎推愁賴索郎  
坐來春漏促夢去畏途長  
故國書題冷新詩齒頰香  
湖山雖好在歲月已相忘  
再任後遣模歸按視石林

葉夢得

白髮萱堂上孩兒更共懷  
弄孫那得見將母竟難諧  
已絕功名望猶疑出處乖  
此心終未穩何處復安排  
張生夜載酒相過

范浚

夜卷一鈎簾衣寒覺露霑未驚風  
割面且看月磨鎌  
玉椀鵝兒酒花窺虎子鹽  
張公雞黍舊歡笑了無嫌



野步

劉子翬

野步忘歸遠春心不自休  
管弦非老伴風雨定花讎  
柳暗淡淡路溪寒小小樓  
謝娘歌白紵此意可忘憂

次張守韻

瓦白霜封縞波清月漾金  
柝沈秋壘靜人語夜堂深  
故國歸何日寒衾事滿心  
庭松憐手植擢幹已彌尋

銅陵阻風

李綱

春色到江渚梅花正斷魂  
風波留遠棹煙雨濕寒村  
鴈過傳遺響潮來沒舊痕  
淒涼一尊酒愁絕與誰論

南安道中

朱文公

曉澗淙流急秋山寒氣深  
高蟬多遠韻茂樹有餘陰  
煙火居民少荒蹊草露侵  
悠悠秋稼晚寥落歲寒心

苧溪道中

秋山有紅樹忽憶野田中  
禾黍收將盡氛埃晚欲空  
登原悲落景倚杖怯高風  
更有寒塘水應將此處同

挽劉樞密

昇經綸業家傳忠義心  
謀謨經國遠勳烈到人深  
廊廟風雲斷江湖歲月侵  
一朝成殄瘁九牧共沾襟

登定王臺

寂寞番君後光華帝子來  
千年遺故國萬事只空臺



日月東西見湖山表裏開從知爽鳩樂莫作雍門哀

花山村舍

范成大

潦退灘灘露沙虛岸岸頽澗聲穿竹去雲影過山來  
柳菌粘枝住桑花共葉開菴廬少來往門巷溼蒼苔

食罷書事

甲子霖岑雨東南濕蟄風荔枝梅子綠荳蔻杏花紅  
捫腹鬻茶悵扶頭老酒中荒隅經歲客土俗漸相同  
家人子輩往石湖檢校暮歸

南浦回春棹東城揜暮扉兒修雞柵了女挈菜籃歸  
風力雖欺酒花香尚染衣衰翁牢守舍腸斷釣魚磯

曉起甘蔗洲

鞏仲至

曉起東風惡晴嵐忽變昏船隨山共走霧與水相吞  
鉦鼓遙知寨桑麻略辨村雨來無準則容易溼蓬門

初夏幽居雜賦

陸游

曲曲羊腸徑疎疎鹿眼籬渴蜂窺硯水狂蝶入書帷  
一枕輕安夢數聯蕭散詩餘生已過足不必到期頤

對酒

密篠持筥屋寒蘆用織簾毳肩柴熟罨尊菜豉初添  
黃甲如盤大紅丁似蜜甜街頭桑葉落相喚指青帘

即事



言集  
遷居無外事白日不勝長詩為窮差進琴雖老未忘  
映牕精試墨閉閣苦畱香年少無相誚功名事更狂

地僻

地僻臨湍瀨門幽長綠苔客書疑誤達僧刺媿虛來  
清露蘋花圻斜陽燕子回自憐猶有恨佳日對空壘

秋後一日風雨

炎歊數日劇蕩滌及秋初病葉風吹盡鳴蟬雨打疎  
趁涼謀社酒藥潤理園蔬分喜寧無處蒲中鱖鱖魚

小築

小築隨高下園池皆自然鋤山得靈藥斲坎遇寒泉

幽檻花房斂淡林果蒂駢鄰翁亦好事相伴送流年

寓歎

短髮不禁搔紆悲賴濁醪潦收溪瀨急木落寺樓高  
善飯餘何欠看雲亦足豪今朝有奇事江浦得霜螯

秋冬之交雜賦

霧雨林塘晚風霜聚落寒衣冠存簡朴農圃備艱難  
春斂麩供餌蒸炊豆作團此心如古井無地起濤瀾

初春雜興

水長鷗初泛山寒茗未芽溪林聞社鼓落日照漁家  
渡遠呼船久橋傾取路斜客愁慵遠眺不是怯風沙



巢山

短髮巢山客人知姓字誰穿林雙不借取水一軍持  
渴鹿羣窺礪驚猿獨挂枝何曾蓄筆硯景物自成詩  
小舟過吉澤効王右丞

澤國霜露晚孤汀煙火微本去官道遠自然人迹稀  
木落山盡出鐘鳴僧獨歸漁家間似我未夕閉扉柴

中春偶書

鄰曲祈蠶候陂塘浸種時春寒薪炭覺雨霽鼓鐘知  
驢瘦衝泥怯魚驚食釣遲衰翁一味懶耕養愧吾兒  
骨相

骨相元知薄功名敢自期病侵彊健日閑過聖明時  
形勝輪臺地飛騰瀚海師江湖雖萬里猶擬掇聲詩

春殘

老墮空山裏春殘白日長庸醫司性命俗子議文章  
燭映一池墨風飄半篆香箇中有佳處袖手看人忙  
村夜

寂寂山村夜悠然醉倚門月昏天有暈風軟水無痕  
迹爲遭讒遠身由不仕尊敢嗟車馬絕同社自雞豚  
幽居

雨霽雞棲早風高鴈陣斜園丁刈霜稻村女賣秋茶



鼓井磨樵斧枯桑繫釣槎客來那用問此是放翁家

五月初作

鄰舍春新麥家人拾晚蠶推移逢夏五賦與嘆朝三  
遣日須棋局忘飢賴酒甌幽居有高致多取未爲貪

山園書觸目

山近雲生易人稀鳥下頻瘦篁穿石竅古蔓絡松身  
熟摘巖邊果乾收澗底薪經過不相識喚作避秦人

村舍

生理嗟彌薄吾居久未完蝶飛牕紙碎龜坼壁泥乾  
小雨牛欄溼微霜碓舍寒晚禾蟲獨少鄰里共相寬

山家莫春

行飯獨相羊扶藜過野塘晴光生蝶粉暖律變鶯吭  
麩美羣兒競蠶飢小婦忙淡知遊宦惡窮死勿離鄉

遊山

古寺不來久入門空歎嗟僧亾猶見塔樹老已無花  
世事雖難料吾生固有涯慙慙一梳月十里伴還家

鄰曲

濁酒聚鄰曲偶來非宿期拭盤堆連展洗甌煮黎祁  
烏犍將新犢青桑長嫩枝豐年多樂事相勸且伸眉

幽栖

詩宗

朱集



閒人了無事地僻稱幽棲師米雷雞食移琴避燕泥  
桐生窓欲暗筍長徑還迷不作容車計門閭儘放低

夜中步月

夜半不成寐起尋微月行風生驚葉墮露重覺荷傾  
兀兀酒中趣悠悠身後名興闌還掩戶坐待日東生

春晚雜興

池面萍初紫牆頭杏已青攜兒撐小艇畱客坐孤亭  
相法無侯骨生年直酒星正須遣萬事莫遣片時醒

題齋壁

皞皞太平民堂堂大耄身乾坤一茶舍日月兩車輪

養貴超三品蔬甘敵八珍明季真耄矣爛醉海棠春  
力穡輸公上藏書教子孫追遊屏裘馬宴集止雞豚  
寒士邀同學單門與議婚定知千載後猶以陸名村

自述

古井無由浪浮雲一掃空詩書修孔業場圃嗣豳風  
懼在飢寒外憂形夢寐中吾年雖日逝猶冀有新功

暮春

季子黃金盡安仁白髮新無情五夏雨便送一年春  
難續西樓夢空存北陌身海棠應似舊惆悵又成塵  
綠葉枝頭密青蕪陌上深江山妨極目天地入孤吟



身已雙蓬鬢家惟一素琴世情君莫說頭痛欲岑岑

舍北搖落景物

草徑人稀到柴扉手自開林疎鴉小泊溪淺鷺頻來  
檐角除瓜蔓牆隅斲芋魁東隣膳肉至一笑舉新醅

葇圃

種樹書頻讀齊民術屢窺曾求竹醉日夏問柳眠時  
盧橘初非橘蒲葵不是葵因而辨名物甘作老樊遲

幽事

幽事春來早晨興即啓閣掃梁迎燕子插椽護龍孫  
數日招賓友先朝辨酒樽淋漓衣袖溼不管漬春痕

致仕述懷

彈冠紹興末解組慶元中灑預危途過邯鄲幻境空  
閒傳相牛法醉喚鬪雞翁衝雨歸來晚山花滿笠紅

幽事

日日營幽事時時有好懷雨園殘竹粉風砌落松釵  
伴蝶行花逕聽蛙倚水涯窮通了無謂不必更安排

聞沈元誠歸自臨漳喜而奉寄

陳傅良

荔圃班班熟蠟房箇箇肥我雖緣此誤公亦為何歸  
吏事生衣垢家山減帶圍不無華袞字卿月更光輝

月夜書懷

詩宗

未集



送客門初掩收書室更虛新篁高過瓦涼月下臨除  
婦病纔扶杖兒饒或餽魚今朝吾已過莫問夜何如

題范秀才萬卷堂

鴉尚時相背幽棲我數過兒應看客慣田孰與書多  
自析唐柳縣誰聯漢甲科儒門今有此天意定如何

題湘中館

楊萬里

江欲浮秋去山能渡水來  
姬隅蠻語襍欵乃楚聲哀  
寒早當緣閨詩成未費才  
愁邊正無奈歡伯一相開

初夏日出且雨

笑憶唐人句無晴還有晴  
斜陽白鷗影疎雨子規聲

臺閣非吾事溪山且此生  
詩成何用好詩好却難成

寒食上塚

逕直夫何細橋危可免扶  
遠山楓外淡破屋麥邊孤  
宿草春風又新阡去歲無  
梨花自寒食時節只愁予

和王才臣再病

詩瘦如春瘦時乖抑命乖  
病過三日雨門揜半扉柴  
不面何曾久于心便有懷  
端能暮出否溪水減南崖

夏日書事

一字看成兩霜鬚摘轉多  
既無書冊分奈此日長何  
荔子紅初皺春醅碧欲波  
醉來愁自去不去亦從他



感興

行役忘衰暮逢春感物華  
一來梅嶺外三見木綿花  
山鹿寧遊市江鷗本臥沙  
紅塵無了日白髮未還家  
賀皇太子九月四日生辰

繼照姿天縱分陰學日勤  
橘中招綺夏瓜處屏伍文  
老別魚竿月來依鶴禁  
雲還將古爲鑑聊當野人芹

羅溪道中

每歲秋猶熱今年閏故涼  
松稀青有數山遠碧無常  
陣陣金風細家家玉粒香  
祇言官路短埃子暗添長  
宿蘭溪水驛前

繫纜蘭溪岸開襟柳驛牕  
人爭趨夜市月自落秋江  
燈火疎還密帆檣隻更雙  
平生經此縣今夕駐孤幢  
節日新晴歸自天慶

初日明鴈腹酸風迎馬頭  
如何一雨過添却滿城秋  
樓觀色俱喜槐榆影獨愁  
節中公事少吏散得吾休  
發揚港渡入交石來

朝雨匆匆霽春山歷歷嘉  
老青交幼綠暗錦出明花  
漁艇十數隻雞聲三五家  
人生須富貴此輩亦生涯  
和仲良春晚卽事

貧難聘歡伯病敢跨連錢  
夢豈花邊到春俄雨裏遷



一犁關五秉百箔候三眠只有書生拙窮年墾紙田

讀邸報

薛季宣

世味刀頭蜜人情屋上烏榮華葉子格升黜選仙圖  
豺祭知生獸蛇銜欲報珠不將魂夢到反是憶尊鱸

薛子舒墓

葉適

悒悒西門路樵歌占晚雲燐迷王弼宅蒿長孟郊墳  
少病憐醫錯題書與父分又言重把筆兼欲使余聞  
施翔公掌教長沙

著蔡羲前識蕭韶舜後音追回賈誼貶喚起屈原沉  
湘水汀煙闊梅花署雪淡余行陳迹久因子一微吟

戴肖望挽詞

老失平生友悲尋路轉迷水肥應返釣田瘦合歸犁  
草與地蕭瑟雲垂天慘悽無因再商略短日送寒雞

送趙成都

尤袤

不但元戎貴仍兼制使雄淡沉天與度簡敬學成功  
人士薰陶內兵民教訓中祇應光卻穀寧復後文翁

蛺蝶

趙昌父

不逐春風去仍當夏日長一雙還一隻能白或能黃  
戀戀不能已翩翩空自狂計功歸實用終自愧蜂房

小園早步



今朝欣雨止天氣漸柔和籬落小桃破階除馴雀多  
占方移果樹帶土數蔬科農務侵尋及吾寧久臥病

次韻山居

陳 垧

解組滄溟畔携家紫翠間地臨雙港勝天與兩年閒  
茅屋靜聞雨竹籬疎見山所慚鄰舍老句險不容攀

秋晚

滕元秀

槭槭霜風勁駸駸物象彫屢遷憐蟋蟀一敗笑芭蕉  
林葉疎逾響山雲薄易消雖無遠行役對此亦何聊

七月

韓 琥

擁砌叢生菊何關老意多澆花驚易燥耘草喜成科

枕腊尤宜睡餐香豈待哦淵明葺不盡滿把尚婆娑

宿裴庵

葛無懷

一徑松杉迴成陰見日稀山晴僧盡出風暖燕交飛  
結子花拋樹攔人犬護扉閑看山月上清坐夏添衣

夏日

曉荷承墜露晚岫障斜陽樹下地常陰水邊風最涼  
蟬移驚鵲近鷺起得魚忙獨坐觀羣動閒消夏日長

秋日偶書

趙師秀

官事何曾曉間名苦要簽大書公吏恐直語衆人嫌  
俸少貧如故醫慵病却添秋風墻下菊相對憶陶潛



辭薛景石

虛窓風颯然獨臥聽殘蟬家務貧多闕詩篇老漸圓  
清秋添一月故里別三年最憶君門首黃花匝野泉

薛氏瓜廬

不作封侯念悠然遠世紛惟應種瓜事猶被讀書分  
野水多於地春山半是雲吾生嫌已老學圃未如君

劉隱君山居

嫌在城中住全家入翠微開松通月過接竹引泉歸  
慮淡頭無白詩清貌不肥必無車馬至猶掩向巖扉

扶欄

強起扶欄立新寒陡見侵鐘聲諸寺曉柳蔭半池陰  
病久方憑艾貧淡或夢金湖邊好風日孤負幾登臨

和鮑縣尉

畱僧秋閣上身自伴僧閑漱齒臨寒水焚香對遠山  
野禽偷果去童子借經還餘興成詩句高題屋柱間

延禧觀

寂寞古仙宮松林常有風鶴毛兼葉下井氣與雲同  
昔日苔磚紫多年粉壁紅相傳陶縣令曾住此山中

周南仲挽詞

翁卷

志以古人期今人焉得知學非無用處命自不逢時



華省官如夢閒居訪亦隨  
喪君於此日師友最相悲  
友人林居

花石與林廬皆非俗者居  
鋪沙為徑軟因竹夾籬疎  
畱客同家食教兒誦古書  
常言治生意只欲似樵漁

幽居

蓬戶掩還開幽居稱不才  
移松連嶠土買石帶溪苔  
藥信仙方服衣從古樣裁  
本無官可棄安用賦歸來  
隱者所居

百事已無機空林不捨扉  
蜂沾朝露出鶴帶晚雲歸  
石老苔為貌松寒薜作衣  
山翁與溪友相過轉依依

偶題

綠樹何稠疊清風稍羨餘  
枕縈雲片片簾透雨疎疎  
脩篁通泉壑殘碑出野鉏  
丘陵知幾變耕稼雜陶漁

還舊山作

徐照

雲駁天初霽攜兒下短篷  
數莖歸鬢白一袖俗塵空  
日子差潮候秋容在蓼叢  
江神應念我平穩不生風

山中

世事已無營備然物外形  
野蔬僧飯潔山葛道衣輕  
掃葉燒茶鼎標題記藥瓶  
敲門舊賓客稚子會相迎  
和翁靈舒冬日書事



詩宗 卷八 秀句出寒餓從人笑我清步溪波逐影吟竹鳥磨聲  
酒裏安天運春邊見物情耕桑猶罄樂何事可營生

孤坐呈客

徐璣

晨起猶孤坐餅泉待煮茶寒煙添竹色疎雪亂梅花  
獨喜忘時事誰知改歲華多君能過此人里似仙家

春望

樓上看春晚煙分遠近村曉晴千樹綠新雨半池渾  
柳密鶯無影泥新燕有痕輕寒衫袖薄杯酌更須溫

山居

柳竹藏花塢葑茨接草池開門驚燕子汲水得魚兒

地僻春猶靜人間日夏遲山禽啼忽住飛起又相隨

夏夜同靈暉有作奉寄翁趙二丈

齋居唯少睡露坐得論文涼夜如清水明河似白雲  
宿禽翻樹覺幽磬度谿聞欲識他鄉思斯時共憶君

送鄭察推叔友罷官之潮陽

黃公度

春草故人去落花離緒多芙蓉少顏色蕙苒盡風波  
塵土非長策功名一醉歌周南暫留滯莫改歲寒柯

北山作

劉克莊

骨法枯閑甚唯堪作隱君山行忘路脈野坐認天文  
字瘦偏題石詩寒半說雲近來仍喜曠閒事不曾聞



小寺

小寺無蹊徑行時認蘚痕犬寒鳴似豹僧老瘦于猿  
澗水來旋磨山童出閉門城中梅未見已有數株繁

野性

野性無羈束人間毀譽輕客言詩惹詢妻諫酒傷生  
窓納鄰峯碧瓢分遠澗清近來尤少睡打坐到鐘聲

哭陳鑰主簿

不但心孤介生形已怪奇在爲官長罵沒使邑人思  
魂遠鄉猶隔名微世未知空存朋友誼到此力何施  
早行

店姬明燈送前村認未眞山頭雲似雪陌上樹如人  
漸覺高星少纔分遠燒新何煩看埃子來往暗知津

暝色

暝色千村靜遙峯帶淺霞荷鋤歸別墅乞火到鄰家  
疎鼓聞更遠昏燈見字斜小軒風露冷自起灌蘭花

入辰州界道中用頓子韻

王庭珪

路入荒溪惡波穿亂石跳騎驢行木杪避水轉山腰  
倒挂猿當道橫過竹渡橋吾生本如寄歲晚尚飄飄

發紹興

劉宰

畱滯青春晚經行此日初柔條桑着眼短穗麥生鬚



言宗  
竹外雲埋屋花邊水遶渠箇中容我老肯遺子公書

山行

戴復古

度嶺休騎馬臨淵看網魚木根高可坐岩石細堪書  
谷鳥鳴相答山雲卷復舒儒衣人賣酒疑是馬相如

寄韓仲止

何以澗泉號取其清又清天游一丘壑孩視幾公卿  
杯舉卽時酒詩留後世名黃花秋意足東望憶淵明  
詢楊伯子監承自白沙問路而去

朝市風波地乾坤漁獵場生民日憔悴吾道亦淒涼  
龍不爲霖出鳳於何處藏羣鴉爭晚噪一意送斜陽

題萍鄉何叔萬雲山

拄杖穿雲去一坡仍一坡地高山不峻花少竹還多  
家近登臨僂人賢氣味和能詩老姚合朝夕共吟哦

一室

宋謙父

一室冷如冰梅花相對清殘年日易晚夾雪雨難晴  
身計蠶千緒世紛棋一枰麴生差解事談笑破愁城

納涼卽事

戴昺

炎蒸欣傍晚掃地坐寬涼入竹風逾冷生荷水亦香  
蟻行緣食几螢照落書床聽得農人語今年稻穗長

秋晚



西風澄曉氣凝觀  
愜幽情草潤蒼聲滑  
松涼鶴夢清吟懷依水靜  
病患得秋輕忽憶登高近  
循籬看菊英

不寐

方岳

不寐何為者幽居事  
更稠怯風患鶴冷聞雨為花愁  
草合妨遊屐沙崩壓釣舟  
春蓑故無恙敲枕數更籌

寄湯卿

書冊依官屋何如自在身  
且無山得看猶有竹相隣  
性野回書懶詩癡易藁頻  
便歸吾已俗往往白鷗嗔

早梅

李和父

草木盡凋殘孤標獨奈寒  
瘦成唐杜甫高抵漢袁安

雪裏開春國花中立將壇  
年年笑紅紫翻作背時看

呈王尚書應麟

謝翱

寒風吹鬢影客淚溼衣塵  
千里見積水滿城無故人  
船歌甌雪盡劒舞越花新  
獨憶絲綸老相從話所親

曉起

文天祥

遠寺鳴金鐸疎窻試寶熏  
秋聲江一片曙影月三分  
倦鶴行黃葉癡猿坐白雲  
道人無一事抱膝看回文

翠玉樓

昏鴉何處落野渡少人行  
黃葉聲在地青山影入城  
江湖行客夢風雨故鄉情  
試問南來信梅花三兩英



春日郊行

王曼之

出門逢柳色忽過楚橋西坐石看潮長隔花聞鳥啼  
地隨芳草盡樹與夕陽齊不是桃源路行人亦自迷

鄭氏西莊

許月卿

不踏紅塵道結廬依水鄉遠峯開宿雨高樹表初陽  
犢臥野門寂鴈飛秋稻香午橋花竹地回首已淒涼  
練川道中次胡汲古韻

客中還又客回首憶并州一枕江湖夢五更風雨舟  
水寒荷葉老蟲響豆花秋幾度看雲坐吾生亦覺浮

曉行山間

真山民

出門誰是伴只約瘦藤行一二里山徑兩三聲曉鶯  
亂峯相出沒初日乍陰晴僧舍在何許隔林鐘磬清

春曉園中

綠陰留我立清曉小闌東林外一鳩雨柳邊雙燕風  
吟懷愁渺渺春事去匆匆莫恨芳菲盡葵榴花又紅  
閒居

虛明兩竹窓濟楚一書房風動鳥移樹花香蝶過墻  
身安知病少晝靜覺春長未必全無事終焉也勝忙  
幽居雜興

松桂小菟裘山扉幽更幽蜂王衙早晚燕子社春秋



鬢禿難遮老心寬不貯愁年來把鋤手無復揖公侯

幽居卽事

僧宇昭

掃苔人迹外漸老喜淡藏路僻閒行遠春晴晝睡長  
餘花畱暮蝶幽草戀殘陽盡日空林下孤禪念石霜

贈魏野

別業唯栽竹多閑亦好奇試泉尋寺遠買鶴到家遲  
藥就全離母詩高祇教兒未能終住此共有海山期

早行

僧惠洪

失枕驚先起人家半夢中聞雞憑早晏占斗辨西東  
響溼知行露衣單怯曉風秋陽弄光影忽吐半林紅

夜坐分題得廊字

一雨饑殘暑瘴疴蘇簟涼臥聞山果落起覺斛蘭香  
幌內水螢入階除露葉光知誰愛清境步履響修廊

山中

僧祕演

結茅臨水石淡寂益閒吟久雨寒蟬少空山落葉淡  
危樓乘月上遠寺聽鐘尋昨得江僧信期來此息心

書惠崇師房

僧希書

詩名在四方獨此寄閒房故城寒濤闊春城夜夢長  
禽聲沉遠木花影動回廊幾爲分題客殷勤掃石牀  
早春闕下寄觀公



言宗  
客心長念隱早晚得書招看月前期阻論山靜會遙  
微陽生遠道殘雪下中宵坐見青門柳依依又結條

郊居吟

僧行肇

靜室簾孤捲幽光墜露多逕寒杉影轉窓晚雪聲過  
茗味沙泉合鑪香竹靄和遙懷起深夕舊寺隔滄波

贈文兆

僧惠崇

偶依京寺住誰復得相尋獨鶴窺朝講鄰僧聽夜琴  
注瓶沙井遠鳴磬雪房深久與松蘿別空懸玉屋心

徑山

僧元肇

東西兩逕幽歲晚得同遊壑雪陰猶在溪雲凍不浮

鳥驚樵斧重猿挂樹枝柔怕有梅花發因行到水頭

贈浩律師

僧簡長

浩也昆尼學精於玉帳嚴蟻酣停掃砌燕乳記鉤簾  
茶鼎敲冰煮花壺瀉水添夢回池草綠忍踐綠纖纖

送陳豸處士

僧惟鳳

草長關路微離思更依依家遠知琴在時清買劍歸  
孤城回短角獨樹隔殘暉別有鄰漁約相迎掃釣磯

少室南原

元好問

地僻人煙斷山深鳥語譁清溪鳴石齒暖日長藤芽  
綠映高低樹紅迷遠近花林間見雞犬直擬是仙家

元



懷粹中

醉解不復寐吟君田舍詩從知石門老未比木菴師  
日月淹書尺江山入鬢絲何因重談笑却似少林時  
書堂旅夜

劉因

淹留已半載去住意何淡月色一千里愁人方寸心  
秋聲助搖落生理歎浮沉松桂清霜滿哀歌動故林

治圃雜書

方回

芍藥抽紅銳茶蘼綻綠長幾家蠶落紙比屋燕分梁  
穀雨淡春近茶煙永日香詩成懶磨墨拄杖畫苔牆  
雨涼曉思

一榻涼如水空山夜雨聲病身筋骨在往事夢魂驚  
老壽知何益憂危半此生吾窮終不怨稍已竊詩名

夜坐

方夔

風葉夜蕭騷寒燈照寂寥冷泉和月汲殘葉帶霜燒  
半白吟髭茁餘紅醉臉潮舊來樵牧地小隱不須招

和鄭義山韻

貢奎

馬上千峯列溪行不盡源野船高似屋山縣小如村  
路繞田間曲池漫雨後渾靜來應最樂綠樹擁柴門

清河

溪碧石生處山青雲起時藕花紅映岸藤蔓翠牽籬



落日漁家網微風酒市旗順流船漸急翻覺去心遲

久雨初霽書所寓壁

張養浩

癡雨歇蒼滴頑雲開日華穴垣驚暗笥搶地惜幽花  
市隱靜於野客居閑似家故園亦皆寓心定自無譁

冬至次韻張宣撫

楊載

北去關河遠南歸歲月長屠龍雖有技相馬獨無方  
雲水連天暗霜蕪滿地荒客遊應未已塵土在衣裳

初至寧海

黃潛

縹緲蛟龍宅風雷隔杳冥人家多面水島嶼若浮萍  
煮海鹽煙黑淘沙鐵氣腥停驂方問俗漁唱起前汀

送陳衡仲之越

宋无

見說會稽郡風流如晉時貧唯將母去清不要人知  
修竹王猷宅春風夏禹祠到官游有暇好寄剡中詩

遊江陰君山

貢師泰

孤嶂臨滄海千山湧大江遠帆歸市獨高塔倒波雙  
鷗鷺爭洲激蛟龍怒石缸壯遊心未已飛雨洒樓窓

訪張山民

周權

又攜詩卷出幾度不逢君枯沼肥添雨寒松暖借雲  
山窻多樹色石徑老苔紋後夜梅應發清罇擬共分

別黃俊昭

李存



歸矣黃夫子清愁葉葉風淡知疑我獨無補與人同  
天地年年老江河日日東相患有新語并寄鯉魚中

雨中過長沙湖

余闕

細雨灑秋色平湖生白波客心貪路急帆腹受風多  
落木生秋思驚禽避棹歌舟行不借酒兀坐奈愁何

夜半舟發丹陽

陳高

舟子貪風順開帆半夜行天寒四野靜水白大星明  
長鉞歸何日浮萍笑此生柁樓眠不穩起坐待雞鳴

南山紫雲山居

黃鎮成

樹老秋仍露山空晚更蟬雨添春藥水雲濕種瓜田

對榻僧長坐聞鐘客未眠自應麋鹿性疎散愛林泉

暮春

陳德永

山館青春老溪扉白露斜微風起新絮小雨落餘花  
蜜滿蜂登課泥香燕作家物情猶好在人事益紛拏

題兪生山居

鄭東

野水流花砌春雲拂草亭地連桐柏觀人識少微星  
養鶴還知相煎茶亦著經卜鄰應未晚休勒北山銘

題玄村上壁

倪瓚

蕭條江上寺迢遞白雲橫坐待高僧久時聞落葉聲  
鷗夷懷往事張翰有餘情獨棹扁舟去門前潮未生



九月一日清溪道中

曹文晦

老樹依沙岸柴門上不鄰  
斷橋歸郭路細雨過溪人  
白鷺雙飛去黃花數點新  
惜無遺世友聯句坐苔茵

近故

王逢

近故儒林老子予起歎嗟  
清秋書柿葉落日賦桃花  
碑碣畱吳滿雲山向越賒  
多情楚宮月來照未栖鴉

宿蠡口

華幼武

春風吹短棹迤邐望歸程  
楊柳溪邊戍旌旗野外城  
市橋人迹少官路馬蹄平  
欲過東湖宿邊烽止夜行

病衰

丁鶴年

病骨秋增痛衰容日減華  
臉霞憐竹葉鬢雪妒菱花  
往事嗟何及歸程望轉賒  
少年歌舞地此日屬誰家

清和

白珽

白苧漸相便因知物候遷  
空山一雨後小檻綠陰前  
鶯在畱春思人幽減書眠  
此時風日好元不似梅天

寄寧之鵬南兄弟

戴良

一自干戈後先廬幾處存  
遽成豺虎峽愁殺鵲鴿原  
歲酒空今夕春風非故園  
憂來無避處只是倚衡門

李謫仙

舒遜

名對金鑾殿榮膺白玉堂  
氣吞高力士眼識郭汾王



醉骨生疑蛻詩名死更香何由見顏色月落照空梁

畦樂園

劉永之

郭南抱甕者久與世情疎砌長龍須草林開燕尾渠  
輾轡花下轉萬莖雨中鉏蔗熟能相寄酬君籬葉書

拒馬河

傅若金

落日蒼茫裏秋風慷慨多燕雲餘古色易水尚寒波  
岸絕船通馬沙交路入河行人悲舊事含憤說荆軻

天台道上聞天香

李孝光

八月天台路清風物物嘉晴虹生遠樹過鴈帶平沙  
日氣嘗蒸稻天香喜釀花門前五株柳定是故人家

秋夜雜詠

成廷珪

平居在城市無夢傍江湖世事有今日生平猶故吾  
檢書逢越絕引曲感吳趨鄰叟邀皆醉歸來不用扶

挽文遜志學士

劉詵

聲名天下士人物玉堂風坐失杜羔孝真成稽紹忠  
壽無人世半論有後來公今古元如此江流日日東

自述

金涓

索居三十載一硯鐵穿磨學淺非時用人生奈老何  
竹房來暝早花塢聚春多靜坐無餘事門前水自波



詩宗未集卷十五

詩宗未集卷十六

律詩 五言二百六十七首

太公釣渭圖

劉基

璇室羣酣夜璜溪獨釣時浮雲看富貴流水澹鬚眉  
偶應非熊兆尊為帝者師軒裳如故友千載起人思

不寐

不寐月當戶起行風滿天山河青靄裏刁斗白雲邊  
避世慙商綺匡時愧魯連徘徊懷往事惻愴感衰年

望孤山作

返照千山赤寒煙一島青羈心霜下草生慙雨中萍



黃屋迷襄野蒼梧隔洞庭空將垂老淚酒恨到滄溟

九日

汪廣洋

長劔客千里一杯歌七哀晚節忽已至秋芳時未開  
平沙誰識馬落日自登臺西北天垂遠滄江聞鴈來

郊墅

高啓

野色迴蒼蒼開門葉滿塘僧來雙屐雨漁臥一船霜  
靜裏修香傳閒中錄酒方平生當世務到此坐成忘

送謝恭

涼風起江海萬樹盡秋聲搖落豈堪別躊躕空復情  
帆過京口渡砧響石頭城爲客歸宜早高堂白髮生

過胡博士郊居

頭白蘭陵客幽居共一村老來吟力退貧去告身存  
夕吹鳴梨葉秋泉注稻根時因來問筮獨叩樹間門  
雪夜宿翰林院呈危宋二院長

偶伴王摩詰寒宵宿禁林院鈴風外靜宮漏雪中沉  
絳蠟消吟燭青綾擁賜衾明朝陪賀瑞銀闕曉光淡  
賦得蟹送人之官

吐沫亂珠流無腸豈識愁香空橙實晚肥過稻花秋  
出斷來溪浦隨燈聚遠洲郡齋初退食可怕有監州

江上寄王行校書

詩宗

宋集

二



寥落舊歡違江邊獨掩扉隣家聞暮笛客舍試春衣  
宿鳥歸山亂行人渡水稀相思比花絮斜日繞城飛

林泉避暑

自愛巒藤滑閒舒臥石苔松風驅暑去竹月送涼來  
石氣生琴薦泉香入茗盃却怜行路子愁暍向黃埃

贈行師

石橋尋禮罷歸住白雲層法悟經慵讀年衰塔倦登  
青苔生砌錫黃葉翳龕燈我欲相依老前身恐是僧

登岳陽樓

楊基

春色醉巴陵闌干落洞庭水吞三楚白山接九疑青

空闊魚龍舞嬋娟帝子靈何人夜吹笛風急雨冥冥

江村

春野一鳩啼橋危懶過谿徑苔都上壁野菜不分畦  
倚杖妨花密看山礙竹低欲知幽隱處風雨白門西

偶題

身嬾交游絕時危感慨新清江催短鬢芳草怨歸人  
花落縱橫雨鶯啼淡蕩春欲搖舟楫去波浪沒平津

山陰曉發

張羽

水漲官河遠西風去棹輕四山猶暝色萬木盡秋聲  
村近聞雞犬天寒憶弟兄故園歸未得漂泊若爲情



兵後過臯亭山

徐貴

臯亭西去遠一過一悽然  
鴈宿蘆中月人歸草際煙  
漁家多近水戎壘半侵田  
尚喜餘民在停舟問昔年  
送曾伯滋赴河西將幕

上將初分相儒官解習兵  
風旗春獵野雪帳夜歸營  
洸水從岷下祁山入隴平  
知君能載筆草檄報邊聲

送朱知事

惆悵官亭酒如何送客頻  
水煙漁市晚花氣野橋春  
小騎行沙健輕衫映柳新  
樽前莫催別明日異鄉人

宿真慶庵

唐肅

落日古城陰蕭蕭竹樹深  
雨花知佛境流水識禪心  
月到翻經榻苔綠挂壁琴  
不因支許舊那得遂幽尋

宿雲門寺

林鴻

龍宮臨水國鳥道入雲蘿  
海關疑天近山空見月多  
鶴歸僧自老松偃客重過  
便欲依僧寂塵纓可奈何  
客中除夜

袁凱

今夕為何夕他鄉說故鄉  
看人兒女大為客歲年長  
戎馬無休歇關山正渺茫  
一杯柏葉酒未敵淚千行

宿蘇橋驛

楊訓文

桂嶺愁人地梅花歲暮天  
孤雲寒雨外獨鳥暝鍾前



牢落空雙鬢驅馳又一年觀風愧無補為客記山川

雨中同孟原僉憲登嘉魚亭

藍智

高閣流鶯外荒城駐馬前江寒三月雨春老百變天  
折柳悲橫笛飛花落釣船乾坤總羈旅把酒意茫然  
曉發來賓縣

官遊同逆旅侵曉逐征塗候館殘燈小長江落月孤  
鄰雞催去馬城柝起棲鳥物色兼人事匆匆歲欲徂

出雲藤驛

又出雲藤驛扁舟更向東地蒸秋有瘴江闊夜多風  
旅夢驚啼狄鄉心託斷鴻天涯看月色不與故園同

澗池道中

王樟

九月忽又暮吾行祇自傷秋兼人共老愁與路俱長  
野果迎霜赤園花帶雪黃故人相慰藉日晚共壺觴

薊門

白范

西來山盡處始見薊門城地共三門峻天回一面平  
人烟多戍卒市語襍番聲回首松亭道秋風幾日程

次韻夜泊

顧祿

海近潮初上江清天倒流故鄉頻入夢此地獨維舟  
落鴈沉霜鏡潛魚避月鉤不眠催早發歷歷數更籌  
寫懷

王冕



世情多曲折客况自堪憐聽雨愁如海懷人夜似年  
草肥燕地馬花老蜀山鵲冷澹無歸計蒼苔滿石田

遊青原山次隆太古謝子方

王沂

送客淹螺浦尋僧向鷺峯水流通雪竇谷響應霜鍾  
靈迹雙荆樹香風五粒松追隨成信宿感爾意重重

張氏溪亭雜興

劉崧

草閣經秋淨柴扉近水開霜林收橘柚風磴坐莓苔  
釣艇寒初放樵歌晚獨回城南車馬地欲往更徘徊

送友人之錢塘

姚廣孝

我住湖西寺君歸湖上山馬蹄知驛路樹色認鄉關

遠戍霜鴻慘荒汀雪鷺閑自憐堤畔柳愁緒不禁攀

送趙友同還華亭時水泛三吳

王偁

積水渺無際送君江上還九峯何處所迢遞白雲間  
舊業菱荷在秋風鷗鷺閒定知三泖月相見一開顏

高郵

楊士奇

四顧無山色蒼茫極遠天水雲涵郡郭杭稻被湖田  
草舍津頭市菱歌柳外船羈愁念前路非為別離牽

舟中雜興

王洪

故國徧芳草高臺多大風河山千古在登眺幾人同  
野澤鳴山雉荒陂起塞鴻新豐不可見煙樹五陵東



多景樓

陳璉

獨倚闌干久涼風滿客衣樹從京口斷山到海門稀  
鴈影橫秋色蟬聲送夕暉蕪城纔只尺樓堞望中微  
月下對酒

王直

萬里浮雲盡孤城暮角殘月從今夜滿人在異鄉看  
隱隱關山遠淒淒風露寒客愁渾為減應賴酒杯寬  
送玉內敬成遼水

劉績

應誇萬人敵恥作一書生寒月隨弓滿湖霜拂劍清  
馬嘶秋草闊鷓沒暮雲平早逐征遼將飛書奏罷兵

武陵曉泛

薛瑄

今朝風日好來泛武陵溪碧水寒依岸蒼林遠護堤  
沙光搖野馬人語散鳧鷖二月桃花發還應處處迷  
遊慶壽寺

久意遊真境乘閑始一尋入門窺色相到院肅禪心  
古桂天風冷名花法雨深及歸西日暝鈴鐸響清音  
桐村小隱

姚綬

河流南入市徑路北通村新結草堂好舊栽桐樹繁  
兒童知稼穡鷗鷺識琴樽有客問奇字乘舟直到門  
歲暮柯亭道中

朱顯

行旅正紛然危亭古道邊晚峯千樹雪寒隴幾家煙



孤棹荒城外歸心去鳥前浮踪未能定况復值殘年

江南旅情

蘇正

天涯爲客久生計日蕭條旅况頻看月鄉心獨聽潮  
春歸江上早家在夢中遙無限相思意東風白下橋

寄北覺隆上人

石瑤

水北多僧寺生公院最幽地高平愛月林密靜空秋  
梵語中天應鐘聲下界浮文園多病客回首欲淹留  
庚寅入壽光縣界

李善

浙浙風中黍蕭蕭露下柔始驚時物變轉覺道途長  
報國心常赤思家鬢已蒼故鄉頻入夢煙雨暗潛塘

上巳日

張弼

上巳今朝是蘭亭不可尋一爲京洛客幾負故園心  
綠水鷗盟遠黃塵馬首淡題詩難盡興展畫看山林

客寓蘇氏小樓

黃瑜

日夕危樓上凭欄望故鄉淮流山外碧燕樹日邊黃  
旅夢魚千里歸心鴈一行坡仙風韻在時與話高皇

孝宗皇帝挽詞

儲懔

憑几宣遺命悲風白日陰藥來仙嶠遠雲覆帝鄉淡  
惻怛蠲租詔丁寧餽戍金神霄時反顧四海正懸心  
答唐執中歲暮感懷



言定  
旅食長安客遲回歲復徂貧能藏楚璞老不試齊竽  
鄉國三秋夢風雲萬里軀清朝推轂日爭說薦唐衢

元日雷雨三日雨雪仍雷四日雪

元日何多雨纔春已荐雷史嚴宣父筆詩冷杜陵杯  
一飽患坡麥閒吟鯁野梅晴光與淑氣應不待人催

自文安至保定

夜短不成寐晨初仍戒征星霜行曠野燈火發高城  
游倦憑誰慰歌勞祇自賡寒帷看日出花柳半村明

謁董子祠

程敏政

江都仍舊地無復漢王臣故宅碑全毀荒園井未湮

一言分義利三策動天人轉運今祠主相隨奠綠蘋

登吞海亭

桑悅

何處登臨好金山吞海亭獨吟幽鳥下長笑亂峯橫  
水氣蒸雲溼波光助月明中冷泉萬斛借我濯塵纓

江南旅情

楊榮

客夢家千里鄉心柳萬條片雲遮海嶠一雨送江潮  
戀闕綈袍在懷人尺素遙春光看又晚何處灞陵橋

蟠龍山

林俊

磴轉厓根斷雲翻地軸浮接天無鳥度隔洞有龍遊  
金革憐時運江湖與世憂遠峯晴萬堦寒碧認忠州



南邨別墅為饒松坡題

羅倫

吾愛南村好，頻過處士家。  
白雲留客住，濁酒過牆賒。  
陰巖藏春雪，清溪洗暮霞。  
自今來往慣，薇蕨早生芽。

送饒經歷還金谿

問病來金嶂，高談徹玉關。  
何人無白髮，吾道有青山。  
雲水行流處，漁樵問答間。  
孤舟今夜別，明月共君還。

秋中寄興

陳獻章

山人無外事，白首稚兒同。  
弄水溪堂背，爭碁紙局中。  
盆池秋見月，竹院夜呼風。  
觸事成唐句，狂歌向碧空。

武廟輓歌

毛紀

玉輦今何處，宸遊事已空。  
淚多湘水竹，悲切鼎湖弓。  
汗簡千年後，釣天一夢中。  
空餘舊戎帳，金甲凜霜風。

芝山

李夢陽

吳楚分何代，乾坤此郡孤。  
江從樹裏斷，山入雨中無。  
戰鬪名空在，英雄世與徂。  
酒酣撫長劍，極目盡重湖。

下吏

十年三下吏，此度更沾衣。  
梁獄書難上，秦庭哭未歸。  
圍墻花自發，鎖館燕還飛。  
况屬炎蒸地，憂來不可揮。

鄭生至自泰山

昨汝登東岳，何峯是絕峯。  
有無丈人石，幾許大夫松。



言宗  
海日低波鳥巖雷起窟龍誰言天下小化外亦王封

嘲雪

怪爾梁園樹先春忽自花態多低復起形弱直還斜  
祇解光迷鶴無能色變鴉玉樓銀闕裏汝敢鬪瑤華

田園雨燕客過

車馬人來地田園雨後心頽垣疎柳臥漏屋野花侵  
稼穡悲生事琴樽伴苦吟自無農圃學不敢怨商霖

迴駕

何景明

地轉瑤壇迴天迴翠輦高入城傳鼓吹開殿引旌旄  
佩委春墀草盤行上苑桃九天燈燭裏齊拜袞龍袍

立秋寄獻吉

山城一葉下水榭已迎秋夜迴霜風至天空大火流  
稍蘇司馬病翻遣宋生愁日暮關河外忠君重倚樓  
十四夜

水際浮雲起孤城日暮陰萬山秋葉下獨坐一燈淡  
白露蒹葭落西風蟋蟀吟關山今夜月橫笛有哀音  
登五丈原謁武侯廟

風日高原暮松杉古廟陰三分扶漢業萬里出師心  
星落營空在雲橫陣已沉千秋一瞻眺梁甫爲誰吟  
昭烈祠



漂泊依劉計間關入蜀身中原無社稷亂世有君臣  
峽路元通楚岷江不向秦空山一祠宇寂寞翠華春  
得錢水部書

故人俱落魄水部近何如河上三年別天涯十月書  
煙波愁望裏風雨夢魂餘夏枉懷人作長吟淚滿裾

雨霽

斷雨懸淡壁餘雷振遠空蒼林橫落日碧澗下殘虹  
萬井波光靜千家樹色同何因共朋好歸詠舞雩風  
送楊太常歸省

間道西南寇猶多虎豹羣過秦應有論喻蜀可無文

未返巴山使空懸棧道軍煩將父老意歸報聖明君  
十四夜李川甫宅

獨院淹杯酌高秋驚旅魂風蟬急白露沙葉靜黃昏  
月上看天柱潮來望海門平生壯遊志非爾向誰論

蘇子遊赤壁圖

垂老黃州客高秋赤壁船三分留古跡兩賦到今傳  
落日寒江動青天斷岸縣畫圖誰省識十載尚風烟  
秋夕懷曹毅之

百卉飄零盡孤鴻何處歸高樓橫暮笛萬戶搗寒衣  
南國江湖遠佳人尺素稀獨愁誰與晤明月鑒重幃



秋雨

斷續城頭雨空齋綠蘚封孤燈聞過鴈四壁起鳴螿  
細草傷心碧幽花滿目濃美人居綺陌幾日不相逢

諸將

萬方皆寇盜諸將半公侯未息蒼生困猶煩玉食憂  
耳貂前日賜汗馬幾時收莫倚兵車力安危在運籌

江門

小店江門市孤舟聞暮砧遠沙含細雨鼓岸隱疎林  
旅宿青楓晚人煙翠嶽淡漸臨巴蜀道一慰望鄉心

常山道中

顧璘

迢遞常山道千岩落木風客程憂患裏秋色亂離中  
問俗嗟生理逢人說戰功傷心烏柏葉默默不禁紅

寄劉元瑞

茗水清如許憐君得洗心慙辭朱紱貴來臥白雲淡  
芝朶多靈藥茅廬一素琴王程愧余急相望阻相尋

泛湖

邊貢

此日秋風起移舟向浦煙客心隨地遠人語隔花傳  
古寺疎林外孤亭落照前十年塵土夢回首一茫然  
彥卿懷述

官閑仍地僻賓從少經過睡起看山立詩成對竹哦



小塘雲影亂溪樹鳥聲多坐數秋期近雙星欲渡河

晚霽

孫一元

晚來初雨霽煙火隔林微一徑牛羊入孤邨桑柘稀  
長天下遠水積翠落巖扉月黑聞人語南溪種樹歸

西湖

十里山如拭西湖背郭流僧歸虹外雨雲抱水邊樓  
春事多逢醉歌聲半是愁獨憐垂釣者吾欲共滄洲

雨夜同諸文彥舟宿塘灣

張本

涉世惟虛筏融情但叵羅山號風氣肅河泣雨聲多  
急管吹黃葉寒燈照綠蘿相逢洛浦客不用楚狂歌

白下立秋夜聞絡緯

微涼動絺綌俄爾噉莎雞蹴月牽花早迎颿返葉低  
底須驕婦聽偏切旅人悽白髮江城暮黃塵愧馬蹄  
虎丘悟石軒訪僧不遇

長嘯褰蘿樾尋僧憇石堂袖繙金塔影杯引劔池光  
郭晚含煙白山寒落日黃那知象外士飛錫也多忙

石井別業

王廷相

花暗棠梨浦禽鳴桑樹林濃霞淹曙色微雨作春陰  
田父班荆坐漁翁濯足吟偶來人境外銷却宦遊心

遐思

唐龍



圖書多暇日江海有遐思諫草三千字憂端十二時  
山居夢頻到秋色鬢先知春日歸天仗花磚引漢儀

詠鵝湖先生至樂樓次南雋韻

歸來暮景舒野外卜幽居水竹三間地圖書萬卷餘  
世情歸塞馬道意在池魚客至畱詩句抄謄喚小胥

將壇

覺始登壇日機成躡足時陰陵纔解甲雲夢已張維  
盟誓山河改勳名兔狗悲他年忠猛將空發大風詞

送幸菴先生歸田

繚遶臯蘭曲團團松桂陰裴卿開綠野疏傳賜黃金

霖雨蒼生望江湖白髮心鶴書應赴隴未許入山溪

張果老祠

神仙遺古宅鸞鷲映前峯客到自鳴鼓僧間頻打鐘  
九天秋鶴忠滿地白雲蹤我欲騎驢去金華訪赤松

送朱守諧進士令休寧

蚤得烹鮮術兼通製錦才回看經世者俱試理人來  
刀劔化牛犢桑麻換草萊郎星光似炬真欲附三台

登越王臺

陳錫

百粵風塵迴登臨野色分牛羊散平陸狐兔穴荒墳  
舊壘寒鴉集殘碑劫火焚青山故無恙極目杳秋雲



詩宗 卷八 秋月懷李郎中及邊熊二君子

徐禎卿

秋興因高賦雄才憶省郎山川思不極雲樹莽蒼蒼  
對酒知時變看花感別長如何霜後鴈猶未達瀟湘

冬至駕出南郊

孟洋

御輦層霄下春宮萬戶開天文移漢闕雲氣擁山臺  
騎引麒麟出旂迎翡翠來北辰瞻望地南斗復蓬萊

暮春

暇日西園內問春春欲歸雀驚看菓落蝶嬾覺花稀  
積水斜通徑遊絲暗着衣流光不可轉心事苦多違

攝山道中

王韋

旭日晴光轉重城曙景迷稻荒寒蟹出竹暝曉禽啼  
古社栖危堞殘碑倚斷畦秋風振原野疲馬亦能嘶

栖霞寺

岑蔚結幽禪山遙境自偏銘題遺宋刻寶像鑿齊年  
曙色開重嶂寒聲咽細泉捫蘿殊未已咫尺見諸天

九日夜直宿西臺

黃鞏

九日西臺夜清罇空復情疎鍾來遠寺微雨下深夏  
人與黃花瘦秋看落葉輕十年湖海夢燈火若爲明

十二月朔旦候駕出南郊

楊慎

天仗雲門外宵衣晚漏前蒼龍旂影動朱鷺鼓聲傳



言宗 卷之七  
星爛甘泉燭霜清泰峙烟南郊新警蹕重覩孝皇年

夜泊

夜泊中崑下扁舟對萬峯一星高岸火幾杵上方鐘  
水落灘聲急雲低雨意濃何人吹鐵笛潭下惱魚龍

送張惟言冊封唐邱因歸省母

鳴玉遙持節分珪重剪桐驛驢開蜀道蟋蟀采唐風  
稅駕雲山外迴船月峽東還將南陔什一奏北堂中

湘中憶鄭栗齋憲僉

張治

細雨春帆濕孤舟江色開岸花當水出沙鳥傍人來  
綠草湘妃宅青山帝子臺湖南霜氣重遙憶子真才

酬友人

花下疎鐘靜天涯獨客愁功名揚子閣詞賦仲宣樓  
杜若滄洲雨春潮野渡舟有懷吾共汝雙鬢愧清秋

峴山

峴山羊祜宅谷隱習家池野竹依寒水春苔繡古碑  
江流人共遠日落鳥空悲無復高人意誰堪倒接羅

秋郭小寺

短髮行秋郭塵沙記舊禪長天依片鳥遠樹入孤煙  
野曠寒莎外江淡細雨前馬蹄憐暮色藤月自娟娟

西齋

薛蕙



西齋休憩地永日臥書帷燕舞隨風絮鶯啼集露枝  
病因閒自療春與醉相宜却悔牽行役年來忽去茲

沈石田挽詞

風流驚絕代投老見餘情海內求詩草圖中聽水聲  
人多憐蹇拙天亦忌聰明回首荒山道斜陽草樹平

書杜隱翁屋壁次唐守之韻

崔桐

門對歌樵徑舟橫帶月溪風鳴花出犬日下樹栖雞  
開卷從諸子分醅問老妻偶添詩意緒多向竹間題  
送友梅先生還溫陵

吳仕

阮子富經術一官山水濱才高翻自晦道在不言貧

馬骨瘦於鶴梅花清近人行尋高蓋勝消受萬家春

宿九峯寺

王廷陳

疋馬九峯下寒霄萬壑陰月當層殿起雲擁曲廊深  
煮茗開松閣焚香對石林諸天倚愁寂鐘磬浮塵心

聞箏

花月可憐春房櫺映玉人思繁纖指亂愁劇翠蛾顰  
按色歌頻變畱賓態轉新曲終仍自敘家世本西秦

壽仲兄東園先生

孫存

伯玉知非日宣尼立命時紫荊光鶴髮黃菊照瓊巵  
陰德春同育遐齡帝不私吹簾聊短述尚欲賦期頤



萬壽節祝賀于淮王府

陳沂

嵩下三呼日天中萬壽辰去年爲近侍此地是孤臣  
疎漏龍樓上清班鳳沼濱不知金鑑錄獻納有何人

江閣與顧英玉看月

鷲嶺宿龍宮凭闌一望中天遙滄海盡月小大江空  
亂石穿寒溜虛廊度晚風只疑銀漢渚偶爾使槎通  
雪中過在平

短草埋淡雪微茫路不前瑤波疑動月瓊樹欲生烟  
乘興無知己詢風之隱賢梅花消息遠歸思逼殘年  
太平宮露臺夜坐

琳館四更夜披衣不欲眠潮聲滄海上月色亂峯前  
松頂露華滴岩腰閣影懸此身何所在孤興已飄然

謁闕里廟

憶昔尼山下栖栖數畝宮服種周典禮官作魯司空  
道起春秋日功垂宇宙中子孫千萬祀不與帝王同  
新春

臘蟻開青甕春牛進綵鞭餘寒生積雪韶景應新年  
獻壽椒隨酒占豐麥在田萬民同樂事持此樂堯天  
送王南渠謫惠州推官

邊憲

魏裾久寂寞漢檻日嶙峋慷慨投荒意蹉跎報主身



言宗  
一鳴曾覩鳳，獨泣爲傷麟。龍劍占南斗，時時紫氣新。  
來青軒  
許宗魯

路轉青霞外，軒開碧漢旁。谷煙當晝暝，峯影度雲涼。  
翡翠團松蓋，琅玕瑩竹房。蕭然屏几靜，嵐氣溼衣裳。  
再遊蘇臯祠  
許相卿

尚識曾遊處，仙雲遍古壇。林深天忽暝，春淺午猶寒。  
畫壁蛛絲縵，苔碑鳥篆殘。自憐踪跡遠，到處得盤桓。  
哭李公獻吉  
黃省曾

往歲楊園餞，涼風七月樓。不言躬再拜，爲別淚雙流。  
鴈引鄉河遠，霜催旅鬢秋。黃泉何底急，令我泣藏舟。

南歸

顧起綸

三年羈逆旅，千里復何依。不惜黃金盡，空留寶劍歸。  
山中茅屋敞，都下薦書稀。歲晏蕭條甚，悠然獨掩扉。

山行晚興

頓銳

葛屨衝山徑，筇枝度石門。鷲峯天外寺，蛤嶼水邊村。  
紅葉疎林影，丹崖挂瀑痕。炊烟生碧嶠，嶺月閣黃昏。  
晚趨忻口  
高叔嗣

雲峯聊極目，立馬獨愁心。豈直關山遠，其如雨雪深。  
笳聲先入夜，邊氣迴生陰。疇昔長征意，蹉跎力不禁。  
春賞  
文徵明



言宗  
不  
集  
晚得酒中趣三杯時暢然難忘是花下何物勝罇前  
世事有千變人生無百年還應騎馬客輸我北窓眠

和答戴少石

張時徹

疊嶂圍山郭蕭蕭碧樹秋常將千日酒解脫一生愁  
月下桓伊笛雲中庾亮樓知君興不淺魚鳥日邊悠

鳳尾草

蘇祐

儀想虞廷遠音傳岐麓高楚狂歌自發尼父歎空勞  
宛轉開雙眼飄飄見九苞南州多鳳侶應更瑞生毛

關山月

高岱

青天一片月萬里獨相依風急刀環望霜寒玉鏡飛

龍河浮夜色羌笛怨清輝愁絕閨中婦高城正擣衣

過埃陽山居

華察

林泉愜嘉遁乘興訪幽踪野曠餘寒照山深多亂峯  
潭煙生暮色水木澹秋容不是桃源地虛疑物外逢

惠山寺與施子羽話別

看山不覺暝月出禪林幽夜靜見空色身閑忘去留  
疎鐘隔雲度殘葉映泉流此地欲爲別諸天生暮愁

歲晚過圓通寺

扁舟一乘興歲晏訪禪林落日空門迴長松古殿陰  
溪聲晚風急野色寒雲深坐入無生境因窺靜者心



對菊

田園荒欲盡始悟賦歸來白髮已無那黃花猶自開  
高秋伴獨臥孤月共寒杯最愜幽人意唯憐暮色催

山臺曉望懷僅初不至和姚山人韻

初日照臺上興來成獨遊天高宿霧盡木落空山秋  
曉色侵殘鬢新寒上故裘吳門隔煙水悵望空悠悠

題吳尚寶水雲居

言訪幽人跡林居常閉關入門行曲澗開榻對寒山  
流水自晝夜白雲空往還如何負猿鶴却向市朝間

秋日閒居漫興和僅初韻

荒徑生秋草山中獨掩門時從牧豎出偶與鄰人言  
學道同窺井全身異觸藩閒心寄流水倚杖一窮源

陸浚明臥疾

憐君耽著書多病類相如况以窮愁日兼之哀毀餘  
衰遲傷歲暮牢落歎離居誰念文園臥蕭然空敞廬

侍講經筵

袁 袞

虎觀橫經地鶴行侍從臣袞衣高黼座環佩擁楓宸  
論列絲綸密光華日月親長陪柏梁宴時奉屬車塵

岳陽樓

輕風送客舟新月挂高樓遠樹天無際孤城地欲浮



言宗  
楚山橫鄂渚夢澤接湘流湖海惟書劍平生此壯遊  
憶橫塘別業

一臥文園病終朝念故山敢希宣室名祇望玉門還  
橘想千頭足桑忠十畝閒如何五斗米猶自滯南蠻

高座寺訪宗伯招

古寺無來客空山獨訪君松聲響秋雨竹翠染寒雲  
玄典幽時悟名香靜處聞誰言消渴病不廢長卿文  
遊楷上人山亭

金大車

病起身猶健登臨興不孤石泉當戶瀉山鳥入雲呼  
敗葉秋皆墮寒烟晚欲無此中堪閉戶還擬著潛夫

北上舟次京口

高應冕

日暮維舟處秋風揚子灘片帆潮共落孤嶼月同寒  
江燕隨雲沒山花帶露殘遠心逐遠水萬里向長安  
汲縣謁比干墓

唐順之

下馬登丘壠藜林曲隧通碑因元魏樹地是有周封  
酒散荒池上人行秀麥中故宮無可問徒此對松風  
頌曆紀述

王材

鳳曆拜新編龍墀滿瑞烟仁淡王者世春入聖人年  
一統華夷上三辰舞蹈前退瞻嚴仗遠玉佩共鏘然  
梅花落

喬世寧



言  
集  
坐待梅花盡  
征人獨未歸  
曉妝臨鏡懶  
春信到邊稀  
斷縷驚龍管  
餘香入鳳幃  
持將花比貌  
空有淚征衣

秋日江上寄故園兄弟

皇甫汈

別去無多日  
憂來復此時  
所嗟吳地遠  
詎惜楚江遲  
客淚因猿墮  
鄉心有鴈知  
每逢花與月  
翻遣助相思

子陵祠

羅洪先

漢庭懷舊德  
獨愛水雲身  
白髮一竿暮  
青山七里春  
江流閒歲月  
夜景湛星辰  
千載荒祠下  
停舟日幾人

山寺夜話

沈愷

年年二三月  
常自客天涯  
問竹何須主  
逢僧便可家

偶嘗新市酒  
翻憶故園花  
春事已不及  
虛憐負歲華

都下秋雨夜飲王子長宅

陳東

闊別時何屢  
蹉跎鬢已侵  
還朝明主賜  
卜夜故人心  
涼雨杯初覆  
空堂漏欲沉  
安知非夢寐  
相對帝城陰

宿堅山寺何仲默讀書樓

王維禎

山溪微見月  
夜久獨聞泉  
海內無多地  
人間有別天  
松巖花雨落  
雲閣梵音懸  
爲問登樓客  
長安何處眠

夏日晚發唐山道中

茅坤

初夏發山郵  
依微樹色幽  
朱明不改夏  
碧落迴含秋  
纖露塞林溼  
涼風拂野流  
我行殊未已  
何處駐鳴騶



首春次安肅

山城喧社鼓遊冶屬芳晨陌上揆丸騎林中射雉人  
年光浮綺吹日氣抱紅塵馬首多春色還憐旅鬢新

夜泊錢塘

江行日已暮何處可維舟樹裏孤燈雨風前一鴈秋  
離心迸落葉鄉夢入寒流酒市那從問微吟寄短愁

夜訪危太史山居

入夜占星色言尋太史廬山邀謝康樂林臥漢相如  
竹裏泉迎炬花間鹿引車到來多逸興翻擬共逃虛

弔沈錦衣

官不過執戟諫書何太狂寧無戀妻子祇爲報君王  
胡馬愁難蹶越禽空自翔忽聞塞上曲攬涕欲霑裳

登省中樓望西山晴日

李攀龍

忽見西山雪高樓重倚闌數峯城上出落日署中寒  
佳色繁天仗清光切露盤小臣操郢曲願獻聖人看

初夏趙氏園亭

獨值春風後幽期此重過開樽黃鳥至高枕綠陰多  
簪紱殊閒事乾坤一放歌淹留君莫厭吾道本巖阿

圓硯效徐庾體

片石分雲出良工向月刪自疑臨璧水誰爲縮壺山



言宗  
洗墨沈金鏡呵冰斷玉環畫眉京兆婦纖指曲池間

憶弟

新醪楊柳色不醉欲何如  
薊壯三春鴈山東二弟書  
宦情閒遂淺人事病全疎  
未擬酬恩去空令憶舊廬

重送楊生

十年湖上別風雪此相親  
把酒論時事霑衣向故人  
浮名青歲換生計白雲貧  
但去臥芳草山中鴻鴈春  
春日韋氏園亭同元美賦

藉草到流水看花延落暉  
客中過寒食馬上改春衣  
移席青山出開罇白鳥飛  
天涯有朋好能使宦情微

春日閑居

五穀功名薄雙龍羽翼乖  
風塵凋短褐雨雪閉高齋  
慘淡幽人色飛揚壯士懷  
少年何太苦妖冶事形骸

秋日村居

隱几憐清曉開軒命濁醪  
西風行薜荔白露綴蒲桃  
氣逼蟬聲苦天含鴈影高  
壯心堪自見秋色正滔滔

途中雜詠

王世貞

出郭已十里晨炊猶未煙  
浮雲濟陽樹殘雪灌陰田  
蔓雜鈎衣轉坡深隱幔偏  
那能怨行役馬首正茫然  
夏日飲煦上人房



野人無一事愛爾雲床眠緩帶松風集開罇江月懸  
僧仍解中聖客亦喜逃禪欲問西來意難從醒者傳  
夜過邱給事懋實

苔色車從破庭陰榻不妨絺衣挂殘日茗椀過新涼  
世事難淡竟詩名好細藏自憐無一解得爾愛吾狂  
病甚後見舍弟至

病間吾逢弟餘生汝得兄乍驚衰後態差識美餘聲  
黯淡杯仍却如躑燭屢更時時咎吾黨詞筆太崢嶸  
懷柔道中

馬足吾何限山行稍自寬人家梅雨色衣袖麥秋寒

過瀑添新徑歸雲改故巒斷腸沙鴈起一一向長安

吳興樸興

寄語諸鄉曲清貧好自誇山田供老母月俸上官家  
蕩口携來酒天池寄得茶止羸茗峴勝飽看不爲奢

詠臺中鶴

宋儀望

舊是青霞侶經年霜暑畱祇緣羅網繫翻爲稻梁謀  
獨舞如憐影長鳴似戀儔何時東海去同爾訪丹丘

閣試罷晚出掖門

馬一龍

密勿絲綸地縱橫翰墨場賦詩追大雅懷璧獻明光  
日下黃金闕人歸白玉堂布袍輕不換猶帶御鑪香



泊獨流河

吳國倫

萬里南浮客愁心與逝波地將燕趙盡天入鼓鼙多  
急榜驚鷗鷺淡村掩薜蘿片帆何處落風雨獨流河  
與黃給事中

落魄無勞歎唯慚負聖明小臣空得罪古道不成名  
爾去招梅福予歸弔屈平舊來鷹隼意敢復向人鳴

歲暮集黎惟敬山房

梁有譽

雲木自蕭疎何慚大隱居雨殘三徑菊塵滿一牀書  
閉戶鳥聲過移樽竹色虛滄江復歲晏誰念病相如  
元美夜過將有江南之役

宗臣

金罇墮明月瑤瑟動輕陰砧杵秋聲急烟霞故國淡  
不堪惆悵色兼入別離心去住俱萍梗佳期可易尋  
有寄

憶爾辭燕甸逢人賦楚騷芙蓉千水暮薜荔萬峯高  
秋月驚紈扇寒雲落布袍愁心不可問孤鴈滯江臯  
雨夜沈二丈至

樹色迷寒渚江流沒石梁驚風孤鴈下聽雨一燈長  
蟋蟀夜堪賦薜蘿秋可裳相看愛容鬢時序有新霜

秋夜

謝榛

罷酒南樓夜備然起越吟關河雙鴈迴風雨一燈淡



老破當年夢秋生久客心故園常在眼去住總浮沉

過樊江

沈明臣

處處足清波樊江一棹過浦帆秋色遠村樹晚煙多  
水飯資菱芡山衣雜芰荷度來風裏曲半是榜人歌

巖居僧

李時行

一鉢寄崑石塵喧迴不聞小廚分礪水短榻臥松雲  
衣借枯藤補香收野菊焚晚來趺坐處猿鶴自爲羣

夜坐見白髮寄別朱仲開

陳鶴

坐久北風起江聲帶遠沙客愁初到鬢鄉夢不離家  
林靜無殘葉燈寒有落花懷君不能寐別緒轉如麻

閏正月草堂觀燈因賦重宵詩

一春逢首閏兩度見元宵火樹花重吐珠林葉未凋  
酒搖晴柳碧曲傍曉鶯嬌自幸同心賞那論刻漏遙

風雨望焦山

立馬對山寺隔林聞慧香未能超苦海徒欲禮空王  
天影連沙白濤聲帶雨長儻然懷彼岸何處覓慈航  
同沈使君尋蘭亭遺跡

行行半野田何處訪前賢不見流觴水空聞修禊年  
秋風雙客淚茅屋數家烟勝會非難復崇山尚岫然  
雨中畱宿張幼于家

黎民表



不爲愁風雨還因戀解攜途長患老馬夢短怯晨雞  
離患中年惡音書後夜題片帆何處落邗水易東西

宿黃牛峽

張佳胤

春到黃牛峽江辭白帝城楚雲高不極巴水去無聲  
絕塞書難得孤舟月正明棹歌聽自短幾處夜猿鳴

卜築

何良俊

卜築清溪上春來樂事多小桃紅著朶新水綠生波  
晉代餘文雅吳宮舊綺羅蕭條唯故國愁絕滿干戈

上方寺

江一鵬

去郭遠塵事入門聞慧香斷碑猶有字古剎已無廊

啼鳥晝常寂野花秋正芳醉歸歌慷慨獨棹下殘陽

送楊惟喬侍御北上

陳文燭

驛路飛新雨荒亭落晚風賜環霄漢上擊楫大江中  
此地曾留犢都人尚避驄春華今又半罇酒幾時同  
七夕同吳給事王比部宗考功燕集張園

余應舉

山亭原自好此夕更徜徉雲裏支機石風前薜荔裳  
樽當明月滿歌遶碧河長諸阮畱連意空餘犢鼻狂

懷伯兄

吳擴

老至無家別飄零何處邊音書常不定生死竟誰傳



朔鴈傷秋思陰蒼攪夜眠空庭孤月下顧影一潸然  
春日同象安過芝谿別墅 朱永年

芳草經時綠沈冥獨閉關白雲生戶外流水到花間  
林遊春前笋窻含雨後山寥寥雞犬寂疑是入商顏

七月一日夜

張九一

不寐成危坐多愁恨獨醒晴空明遠電涼露溼繁星  
河色迎秋白江流入夜青九疑何處是吾欲問湘靈  
吳幼元光祿園亭 童佩

名園仙吏隱石畔菊爲房門染芙蓉色墻懸薜荔香  
下帷花撲卷高臥竹當床別有懷人處清秋月滿廊

周原幽居

李昌祺

山色蛾眉秀江流燕尾分亂蟬吟落日獨鶴引歸雲  
黃葉溪邊樹青帘雨外村興來留客坐隨意倒芳尊  
喜張進士叔豫見宿旅舍

迢遞長河道蕭條歲晏遊亂山黃葉寺孤棹白蘋洲  
夕鳥衝船過寒波背郭流母論卑暑地賈傳昔曾畱  
順昌道中新晴 徐渭

解纜投山屋東鞍聞曙雞風雲畱宿雨花草踏晴泥  
曉峽喧谿路春沙泛馬蹄遙知武夷曲只在亂峯西  
杜鵑花

詩宗

卷一

三



煙雨豔陽天山花發杜鵑魂愁數葉暗血漬一叢鮮  
正色爭炎日重臺沓絳箋春風幾開落遺恨自年年

秋夜飲王懷亭總戎旅寓

張文介

高館絕塵氛疎鐘隔水聞花梢帶涼月天際澹秋雲  
客醉尊仍滿詩成夜欲分主人殊俊逸不亞鮑參軍

傷別

張鳳翼

春色漸無賴那堪傷別離露花含淚臉烟柳冒愁絲  
回首人千里驚心天一涯祇應衣帶緩脈脈許誰知  
客自江右相尋爲我鼓琴

故人千里月濁酒百年心從我張銀燭勞君鳴素琴

風塵俱落魄山水獨知音末路傷疇昔寒霜入鬢淡

雲居菴作

屠隆

烟巒最深處野鳥啼空山日暮蟬聲急松高鶴夢閒  
漁舟花裏出僧屐雨中還客去禪猶寂焚香獨掩關

桐廬曉發

曉入蒼茫道春猿夾岸啼好山青不盡芳樹綠初齊  
石險川聲急帆高潭影低王孫歸路渺又見草萋萋

同胡明府登佛塔亭

風急高天迴孤亭落日間松聲疑卷壑雲氣欲沉山  
古佛疎藤合層城獨鶴還馮茲問寂廓吾意薄塵寰



初至江關

湯顯祖

朔方空水陸南國自山川  
夜月啼飛鶴秋風咽斷蟬  
宦遊長是客吏隱卽爲仙  
刺有青燈在鳴榔上酒船

送客歸岳州

楓隱號蟬急林開放鷓輕柳煙  
眼際穩江月醉餘清  
夜色遙湘渚秋陰冷岳城  
還憐洞庭水漁笛與歌聲

逢秋書况

李言恭

梧葉凋殘雨砧聲急暮樓長途  
慚作客短鬢又逢秋  
湖海風塵夢干戈故國愁  
人生百年內一半屬離憂  
湖口下鐘寺

石上招提寺憑虛俯大川  
遠帆飛檻外高鳥度尊前  
門近三湘月樓空萬里天  
平生山水癖慚未謝塵緣

上天竺次韻

盧澐

一逕通行處山花與石苔  
僧分吳越語碑自晉唐開  
盜粟林鼯集巢松海鶴來  
俄驚人世遠雲水淨浮埃

桓鄉晚駐

駐馬桓鄉上烟花薄暮容影  
寒棲樹鳥聲急隔溪春  
幽徑斜通寺孤亭迴入峯  
有家千里外飄泊一萍踪

吉溪

丘雲霄

游子悲無褐寒風吹短查  
問漁沽酒路隨犬到田家



茅屋依山靜谿橋逐水斜  
逢人皆荷篠相笑失生涯  
病後簡白子中

王穉登

病久賓朋散蕭蕭庭草多  
使乎吾語汝白也近如何  
塵榻蟲生網閒門雀可羅  
爲言寥落甚開徑待相過  
同諸君月夜汎舟賀監祠  
懷李山人賓父

勝似他鄉集清宵劇可憐  
潮生女牆下湖到郡樓前  
把酒邀寒月乘舟纜暮烟  
季真祠下淚還憶李青蓮

仲素違冶湖之約以詩見問賦答 馮琦

小榻君高臥名山我獨過  
客嫌今日少竹比舊時多  
綠草雙遊屐蒼煙一釣蓑  
停橈懷賀監孤負明月波

鄔汝翼携樽焦山自然菴坐雨談道

王叔承

香雪映虛堂藤花覆短墻  
山孤人語寂江闊酒罇涼  
萬樹黏雲白千帆夾雨蒼  
道心君莫問且自聽滄浪

雨後登虎丘宿僧房

陸弼

高閣藤蘿外扁舟暮雨殘  
鍾聲知客到山色入門看  
月出千松靜雲披片石寒  
支公擅名理終夕奉清懽

隱山居

岳岱

山中少鄰並來往卽君家  
逕上自生竹牆隅亦種花  
脫巾漉沽酒敲火試新茶  
幾度長松下論文意自嘉



雨後山閣見月有懷

陳永年

散髮長林下悠然暑氣清  
秋隨涼月至月共暮潮生  
綠樹全臨水青山半在城  
懷人多病後無限倚闌情

寄王元美先生

郭正域

家世窺三象天門過八重  
詩當周大雅人薄漢中庸  
雪調凌黃竹雲心禮赤松  
何時結襪者肯許一相從

入山得焦弱侯書有感

李贄

海內存知己天涯若比鄰  
古人聊自遣此語總非真  
學問多奇字觀書少斲輪  
何時策杖屨共醉秣陵春

偶折木仙花手授姬人

馮夢禎

折芳空有贈况是愜新歡  
願步憐輕玉迴波媚淺檀  
含情撩鬢怯細意傷釵安  
若教臨水坐銷得隔簾看

王侍御席上口占

馮時可

青林收暮靄明月洗春波  
竹葉如泉否桃花似雨何  
羊車來衛虎鳳管奏秦娥  
最是懽悰罄能勝一石多

石湖泛舟因過張幼子舊業

側注興何豪沿流汎小舸  
楓林張夕錦松籟起秋濤  
霞送殘陽落星依片月高  
相攜尋仲蔚荒徑掩蓬蒿

靈谷寺

李維楨

入門不識寺五里聽松風  
香氣飄金界清陰帶碧空



霜皮僧臘老天籟梵聲通  
咫尺橋陵樹春光共鬱蔥  
月夜北固山亭

極浦漁燈細幽崖鬼火明  
春陰團樹色夜午報鍾聲  
雲淨千峯出江空一鏡平  
石欄聊假寐鶴夢與同清

秋懷

鄒迪光

白日團青昊滄洲獨臥時  
露慳微潤草風濫屢芟枝  
去燕長畱社來鴻不失期  
方秋多意緒宋玉獨何悲

舟泊橫塘

靜渚鷗千片圓沙鴨一羣  
過橋僧帶月出寺客沾雲  
霜草微經剪嵐楓已就醺  
歸帆三五幅行及半溪分

遊善權洞

董其昌

神功開混沌水府吐氤氳  
峽隱將飛石巖垂欲墮雲  
龍腥陰壑迴鳥道亂雲分  
今日磨崖記知同藏史羣

過高唐作

高唐齊右壤終古作津途  
山色猶銜岱雲容不是巫  
坡陀分麥隴閭井半桑榆  
歇馬斜陽裏應嗟霸氣徂

西陵秋度

秋涉試褰裳風迴海氣涼  
濤飛鷗外雪林綴菊前黃  
司馬游何倦鷗夷跡未荒  
山陰勞夢想遲晚得津梁

美人臨鏡

袁宏道



一片湖州水吹光到曉堂暗窺時世樣校取淺深粧  
山髻平分疊宮眉與鬪長常時梳掠罷背底立何郎  
夏日遊謝公崑主人留飲

只有烟林在王家一事無到門唯蘚石對語盡山臞  
路失雲相引厓敲竹可扶看人車馬去塵起是修途

嘉興道中

彌野桑成市排溪柳作衙菜香齊吐甲樹煖欲蒸花  
天色滑如卵江容潤似紗酒帘青帶上三五聚村家

山中限韻

山氣親藤杖花光耀酒鐺好風排日至佳月徹旬明

僧院棊頻覆田家座屢盈騰騰清睡裏證得小無生

九月二日盛集諸公郊遊至二聖寺

瀟散與秋空枇杷樹下棋衣紋黏草地人影散花池  
石室僧流梵霞光鴈譜詩空臺聊戲馬預取茱萸時

宿鄱陽湖

湯賓尹

乍息湖中路言尋草際廬掠風驚鬢冷橫月亞眉疎  
行李輕於鳥盤飧薄得魚因之念鄉國殘燒一緡書

休夏

陳繼儒

樹底息微躬纔容靜者通終朝飲花露無價買松風  
採藥山中侶註經河上公往來不一里鄰並竹溪東



宿道士山房

天頂不可問中峯置藥房竹深山瓦綠松老羽衣香  
白鶴飛一點丹經讀數行雞聲纔夜半海日已蒼蒼  
夜同茂之坐石上

曹學佺

兀坐同吾子蕭然似野僧月斜雲縱態潮減石生稜  
遠燒依空落高樓托樹升欲尋漁艇宿幾點隔溪燈

癸巳前十一月念二日送亾妻櫬出東郊次楊

氏墓追述往痛

王衡

雨雪其涼候寒衣始到吳盡經慈母手分作兩兒襦  
容易捐團扇相思撥地鑪舖糜鄰室婦甘寢一愁無

汪然明竹閣

黃汝亨

入林已却暑况復竹爲鄰幽意在高閣清風宜主人  
琴尊居自勝魚鳥亦相親且緩登山屐婆婆適此身

過袁石公書齋

曾可前

布席唯三雅論文自一門餅筮長日沸琴枕晚風喧  
叉手篇先就科頭客永言方今論大業此事合推袁  
同張濬縣登大任

高出

濟勝孤筇杖東風數散青峯頭葺隙日野色落寒星  
小麥初分浪春松似破萍居人無別事劈石斲芝苓  
九日登中郎沙市宅上三層樓

袁中道



滿眼傷心處誰能上此樓林煙迷蜀道帆影識吳舟  
硯北人何在江南草又秋茱萸空到手欲插淚先流  
過王德載墻東別業  
張正蒙

舊是君公隱相期共避喧落花春雨巷垂柳暮烟邨  
窻外青山出罇前白鳥翻澗聲流不竭吾意欲尋源

三月三日雨中登雨花臺

鍾惺

不是無遊日遊期貴及春草迷初往路花笑未來人  
帆影衝烟直峯文濯雨新若云晴始出已過此佳辰  
十一月晦夜初雪過潘稚恭江閣

入江初見雪近臘乃知寒以我為情久過君及夜闌

光才依月白力不待寒殘值此夕之晦聊同片月看

泊

動止姑從衆安危未敢言居人歸有處旅泊近何門  
寒日能紅樹淒風欲白村野稀舟幸接擊柝共相存

雨泊

既雨兼之晚孤帆莫適從閉門煙際寺篝火水邊春  
稻蟹舟人夜風濤客子冬斲將鄉忠放動息亦從容

山中

丘兆麟

傲骨於人遠山中獨結廬到門無俗駕適意有奇書  
白晝焚香後清泉啜茗初憑吾高曠意世界儘空虛



有慨

華顏

無奈因人熱其能居自閑涼風開劔匣明月憶刀環  
物色經秋變年華逐日慳半生行役去何以破愁顏

渡江

錢謙益

山城如畫裏一棹亦悠哉鈴塔晴相語魚龍靜不催  
澄江千嶂見秋水片帆開約略金山寺曾聽粥鼓來

別蕭伯玉

屈指行藏計君其問水濱東遊還有伴西笑更無人  
泛艇隨魚婢浮家逐鴈賓扁舟誰省記南斗一孤臣

冬夜閒居

王人鑑

忽忽寒光早閒居水上村病疎當世事貧負故人恩  
黃葉淡樵徑荒煙淡葦門憑誰論出處短褐信乾坤

社集郊外送春

朱文洽

蘿逕村畦遶還紆短策停榆風浣輕袷茗瀉寒餅  
新藻水涵碧晚烟山送青玄言與松梵鳥下若爲聽

畸莊訪汪伯魚

潘之恆

不因摩詰畫誰識朝川莊把臂秋林下披衣古佛場  
霜前收柿葉雨過散荷香謾有江湖興隨君寄渺茫

卜居陽羨

俞安期

吳淞辭舊里陽羨卜新鄰山水元吾土漁樵亦故人



高天鴻逝遠豐草鹿游馴回首秋江色西風憶紫萼

過孫禹錫

吳夢暘

秋樹遶茅屋陰陰覆古藤到時忘別去佳處不能稱  
斗酒呼谿友比鄰過野僧猶聞人易識清嘯是孫登

戊申除夕

俞琬綸

過歲真如夢明朝復夢初徑無東郭履蘧是漆園廬  
客去除殘釀貧來惜費書人人欣送臘我意獨躊躇

寄懷趙四夫人

徐小淑

溼雨隴煙暗淒其故國心鳥歸千嶂寂花散一簾陰  
門靜時聞柝亭閑不厭砧美人秋色裏望斷五湖溪

贈滿妹

少小貯蘭房蛾蛾拂曉妝髻鬟輕約素眉黛巧安黃  
寶鴨晨香滿離檐夕月光梁園正花發誰共理明璫

詠美人雨中觀荷

風破荷陰亂清流照淺粧暗香籠彩袖疎雨拂紅裳  
葉共羅裙碧花分膩頰芳盈盈重回首莫悞逗秋光



詩宗未集卷十六

詩宗未集卷十六







